

玉機微義

木

寧固齋

第四十九卷五第五十卷

婦人

小兒

玉機微義

雖知苦戶道三遍遂考閱

王機微義卷之四十九

婦人門

○論經閉不行



內經陰陽別論云二陽之病發心脾有不得隱曲女子
不月其傳為風消為息責者死不治東垣曰婦人脾胃
久虛或羸氣血俱衰而致經水斷絕不行或病中消胃
熱善食漸瘦津液不生夫經者血脈津液所化津液既
絕為熱所燦肌肉消瘦時見竭躁血海枯竭病名曰血
枯經絕宜瀉胃之燥熱補益氣血經自行矣此證或經
適行而有子子不安為胎病者有矣或心包脈洪數燥

津液絕為熱所燦
瘦血海枯經絕
消胃燥熱經自行
補益氣血

若心不月補血經自行
（女心）
（經大）

病寒熱而不月數年
矣如喘嗽過服血
益後以涼血和血藥
行行

三指卷之四
如甲
作時見大便秘澀小便雖清不利而經水閉絕不行此
乃血海乾枯宜調血脉除包絡中火邪而經自行矣內
經所謂小腸移熱於大腸為痔瘻為沉月澀不利則月
事沉滯而不利故云為痔瘻為沉也或因勞心火上行
月事不來安心補血瀉火經自行矣故內經云月事不
來者胞脉閉也胞脉者屬心而絡於胞中令氣上迫肺
心氣不得下故月事不來也曾治驗裴澤之夫人病寒
熱而月事不至者數年矣已加喘嗽醫者卒以蛤蚧桂
附等投之曰不然夫人病陰為陽所搏溫劑太過故無
益而反害投以涼血和血之藥則經行矣已而果然

要畧曰婦人之病因虛積冷結氣為證經水斷絕至有
歷年血寒積結胞門寒傷經絡凝堅在上嘔吐涎唾久
成肺癰形體損分在中盤結繞臍寒疝或兩脇疼痛與
臟相連或結熱中痛在閉元脉數無瘡經候不勻冷陰
掣痛少腹惡寒或引腰脊下根氣街云云

謹按良方言婦人月水不通由勞傷血氣致令體虛
受風寒邪氣客於胞內損衝任之脉并手太陽少陰
二經致胞絡內血絕不通如已上病機皆畧之不議
且血病經閉又豈止手太陽少陰二經耶然亦有不
因寒熱或痰飲積聚疝瘕所致如七情所動其為氣

病血從一也。况陰道常虛不足者，實多宜翫血證門。
血屬陰，難成易虧，論及後丹谿先生等說。

○論經水不調或紫或黑

丹溪曰：經水者陰血也，陰必從陽，故其色紅。稟火色也。血為氣之配，氣熱則執，氣寒則寒，氣升則升，氣降則降。氣凝則凝，氣滯則滯，氣清則清，氣濁則濁。上應於月，其行有常名之曰經。為氣之配，因氣而行。成塊者氣之凝也，將行而痛者氣之滯也。來後作痛者氣血俱虛也。色淡者亦虛也，而有水混之也。錯經妄行者氣之亂也。紫者氣之熱也，黑者熱之甚也。今人但見其紫者黑者作

些紫黑痛塊率為風冷而用溫熱之劑被不旋踵之後

紫黑必為執論

婦性執鄙嗜欲加倍嚴
二府融陽之大無日不起立說

痛者成塊者率指為風冷乘之而行溫熱之劑禍不旋踵矣。良由病源論月水之病皆曰風冷乘之宜其相習而成俗也。或曰黑者北方水之色也，紫者黑之漸也，非冷而何？予曰：經云亢則害承乃制，執甚者必兼水化所以熱則紫甚則黑也。况婦人性執而鄙嗜欲加倍藏府厥陽之火無日不起非執而何？若曰風冷必須外得設或有之吾恐十百而一二也。

按此論經病甚詳大抵不得率指為風冷所乘者此由良方所言世俗往往因之誤入故戒慎之也。然冷證外邪初感入經必痛或不痛者久則鬱而變熱矣。

寒則凝既行而紫黑故非寒之明并

經漏不止、因濕熱下迫之說

要証之治例

補脾胃升舉無氣連動之說

標養療治之文抵

且寒則凝既行而紫黑故非寒也

○論經漏不止

內經陰陽別論云陰虛陽搏謂之崩東垣曰婦人脾胃虛損致命門脈沉細而數疾或沉弦而洪大有力寸關脈亦然皆由脾胃有虧下陷於腎與相火相合濕熱下迫經漏不止其色紫黑如夏月腐肉之臭中有白帶者脈必弦細寒作於中中有赤帶者其脈洪數疾熱明矣必腰痛或臍下痛臨經欲行先見寒熱往來兩脇急縮兼脾胃證出見或四肢困熱心煩不得眠卧心下急宜大補脾胃而升舉血氣可一服而愈或人故貴脫勢人

事疎少或先富後貧心氣不足其火大熾旺於血脉之中又致脾胃飲食失節必乘其中形質肌肉容顏似不病者此心病者不行於診故脾胃飲食不調其證顯矣而經水不時而下或適來適斷暴下不止治當先說惡死之言勸諭令拒死而心不動以大補氣血之藥舉養脾胃微加鎮墜心火之藥治其心補陰瀉陽經自止矣痿論云悲哀大甚則胞絡絕則陽氣內動發則心下崩數澀血也故本病曰大經空虛發則肌痺傳為脉痿此之謂也

良方論曰婦人崩中由臟腑傷損衝任血氣俱虛故也

衝任爲經脈之海血氣之行外循經絡內榮臟腑若無
傷損則陰陽和平而氣血調適若勞動過多致臟腑俱
傷而衝任之氣虛不能約制其經血故忽然暴下或由
陰陽相搏爲執所乘攻傷衝任血得熱則流散甚者至
於昏悶其脈數疾小爲順大甚者逆

按此備言經脈致病之因本於臟腑傷損合則東垣
所論極言因熱因虛或悲哀七情等所致病機殆無
餘蘊矣

○脈法

脈經曰尺脈滑血氣實婦人經脈不利 少陰脈弱而

漏血赤白生死之脈

微微則少血少陰脈滑而數者陰中則生瘡寸口脈浮
而弱浮則爲虛弱則無血 脈來至狀如琴弦若少腹
痛主月水不利孔竅生瘡 肝脈沉主月水不利腰腹
痛 尺脈來而斷絕者月水不利 寸關調如故而尺
脈絕不至者月水不利當患小腹痛引腰痛氣滯上攻胸
臆也 經不通繞臍寒疝痛其脈沉緊此由寒氣客於血
室血凝不行結積血爲氣所衝新血與故血相搏故痛
漏血下赤白脈遲者脈小虛滑者生急疾者大緊實
數者死 暴崩下血寸口脈微遲尺脈微弦微遲爲寒
在上焦但吐尔今尺脈微弦如此即小腹引腰痛者

必下血也 寸口弦而大弦則為減大則為乾減則為
 寒乾則為虛寒虛相搏脉則為革婦人則半產漏下
 尺脉急而弦大風邪入少陰之經女子漏目下赤 漏
 下赤白日下血數斗脉急疾者死遲者生 尺寸脉虛
 者漏血漏血脉浮不可治也

論赤白帶下

機要云赤者熱入小腸白者熱入大腸其本實熱寃結
 于脉不散故為赤白帶下也寃屈也結也屈滯而病熱
 不散先以十棗湯下之後服苦楝丸大玄胡散調下之
 熱去濕除病自除也

熱入小腸為赤帶
 有餘証

熱去濕除病自除

按此止是論有餘之證也論見下

良方論云帶下起於風氣寒熱之所傷或產後早起不
 避風邪風邪之氣入於胞門或中經脉流轉臟腑而發
 下血名為帶下若傷足厥陰肝之經其色青如泥傷手
 少陰心之經其色赤如紅津傷手太陰肺之經其色白
 形如涕傷足太陰脾之經則其色黃如爛瓜傷足少陰
 腎之經則色黑如衄血此其因也

按此言風氣寒熱之疢傷諸臟致證似言外邪大抵此
 證多有本於陰虛陽竭榮氣不升經脉凝泣衛氣下陷
 精氣累滯於下焦奇經之分蘊積而成其病或醉飽房

勞服食燥劑所致也白物如涕之狀故言帶者亦病形也經云帶脉為病而得名而白者屬氣赤屬血東垣舉脉訣云崩中日久為白帶漏下多時骨木枯言崩中者始病血崩久則血少復亡其陽故白滑之物下流不止此可見未得全拘於帶脉矣詳病亦有濕痰流注於下焦或腎肝陰滯之濕勝或因驚恐而水乘土位濁液下流或思慕為筋痿內經所謂一陽之證發心脾是也或餘經濕熱屈滯於小腹之下而病本殊則皆為氣血虛損榮衛之精氣累滯而成其病標也前入立論殆盡病機則治法無定若戴人以帶下得兩手脉俱滑

大而有力乃上用宣丟痰飲下以導水九泄濕熱繼以淡劑滲之此為瀉實也如其諸脉微細或沉緊而澁按之空虛或洪大而澁按之無力正為元氣不足陰虛筋痿虛極中寒等證東垣有補陽調經固真等例乃兼青虛也丹溪先生治因濕痰下注用海石南星椿根皮之類較之前人下之而復吐以提其氣或發中兼補補中兼利燥中兼升發潤中益氣溫而兼收澁之例不同蓋病機有輕重淺深之異爾

○論師尼寡婦異乎妻妾之治

寶鑑曰宋楮澄療師尼寡婦別製方蓋有為也此二種

寘居久則寒熱類
危久則為勞

三梅者之四九
寡居獨陰無陽慾心萌而多不遂是以陰陽交爭乍寒
乍熱全類溫瘧又則為勞史記倉公傳載濟北王侍人
韓女病腰背痛寒熱衆醫多以爲寒熱倉公曰病得之
欲男子不可得也何以知診得其脉肝脉弦出寸口是
以知之蓋男子以精爲主婦人以血爲主男子精盛以
思室女人血盛以懷胎也如厥陰脉弦出寸口又上魚
際則陰盛可知故知褚氏之言有謂矣

○論胎產諸證

病機機要云治胎產之病從厥陰論之無犯胃氣及上
二焦爲之三禁不可汗不可下不可利小便發汗者同

胎產之症原有三禁
一祝

傷寒下早之證利大便則脉數而已動於脾利小便則
內亡津液胃中枯燥製藥之法能不犯三禁則榮衛自
和而寒熱止矣如發渴而白虎氣弱則黃芪血刺痛而
用當歸腹中痛而加之芍藥大抵產病天行從增損柴
胡雜證從增損四物宜詳察脉證而用之

謹按已上云胎產禁例大抵主於原氣本病爲要至
於病體所因不同學者又必當處於權變也且胎前
之證良方悉具但每證治例殊少如胎漏胎痛子煩
子腫等證出方皆是治本病之例設所因不同或有
所兼之證如胎漏下血亦有氣虛血熱腹痛亦有濕

熟者或形志苦樂不一七情所動氣動血病胎氣即損雖治例未能以盡其變然欲學者臨證自推充而行之尔今於諸證未能一一悉具聊以證治數例附于後云

○胎自墮論

丹溪曰陽施陰化胎孕乃成血氣虛之不足榮養其胎則墮譬如枝枯則果落膝痠則花墜又有勞恐傷情內火便動亦能墮胎譬如風撼其木人折其枝也火能消物造化自然病源乃謂風冷傷於子臟而墮此未得病情者也子見賈氏婦但有孕至三箇月左右必墮診其

教落胎察邪証用
本湯未得保全而
生之說

三月月而易墮之理

難產者多在女性
之說

脈左手大而無力重則濡知其血者也以其壯年只補中氣使血自榮時正初夏教以濃煎白朮湯下黃芩末一錢與數十貼得保全而生因而思之墮於肉熱而虛者於理為多曰熱曰虛蓋孕至三月上屬相火所以易墮不然何以黃芩熟艾阿膠等為安胎妙藥耶

○難產論

丹溪曰世之難產者往往見於鬱悶安佚之人富貴奉養之家若貧賤者鮮有之古方止有瘦胎飲一論而其方為湖陽公主作也恐非至利之言蓋用之者其難自若子族妹苦於難產遇胎則觸而去之予甚憫焉視其

每孕難產視形審証
用藥得宜其後
為利立隨母性時令
加減而百發百中後

以某動奇神方名如此

康宝丹之說說毒味
入五運

宜於後者必妨於此

形肥而勤於女工知其氣虛又坐氣不運而愈弱是在胞
胎因母氣虛不能自運耳當補其母之氣則兒健易產
令其有孕至五六月來告遂於木全良考紫蘇飲加補
氣藥與數十貼因得男甚快因此方隨母之性稟與
時令加減服者無不應用臨產時腹不覺痛產母亦無
病因名方曰達生散云

論身胎產用藥之誤

丹溪曰或問婦人一門無非經候胎產用藥溫熱於理
頗通吾子其妄言乎予曰婦人以血為主血屬陰易於
虧欠非善於調攝者不能保全也餘方是不若神仙聚

寶丹則有不能忘言者其方治血海虛寒虛熱盜汗理
宜補養琥珀之燥射香之散可以用乎面色痿黃肢體
浮腫理宜導濕乳香沒藥自可治血可以用乎胎前產
後虛實不同逐敗養新攻補雜病積塊堅癥赤白崩漏
宜於彼者必妨於此而欲以一方通治乎世人以其品
貴名雅又喜其常服可以安神去邪令人有子殊不知
積溫成熱香竈散氣服者無不被禍自非五臟能言醫
者終不知覺及至變生他證悖理肉汁發陰經之火易
成內傷之病先哲具有訓戒胡以羊鷄濃汁作糜而又
常服當歸丸當歸建中湯四聖理中丸雖是滋補悉犯

富貴人家幸有
驕恣婦
疾之証

桂附乾姜僭執之劑臟腑無寒何處消受若夫兒之初
生母腹頓寬便啖鷄子且吃火塩不思鷄子難化火塩
發執展轉為病醫者不識委指他病率爾用藥寧不誤
人子每見產婦之無疾者必教以却去黑神散與夫鷄
子火塩諸般肉食且與白粥將理間以些小石首養魚
令其淡食之至半月以後與少肉雖鷄子亦須豁開煮
之大能養胃却痰彼當富貴人家驕恣之婦率有白帶
頭風氣痛膈滿痰湧口乾經事不調髮脫體執皆是陽
勝陰虛之病天生血氣本自和平日勝日虛又焉知此
等繆妄有以啓之也

罪字在湯字之下

○論婦人服熱劑求子之誤

丹溪曰無子之因多起於父氣之不足豈可獨罪婦於母
血之虛寒况母之血病矣止虛與寒而已哉然古方治
婦人無子惟秦桂丸一方其性熱其辭確今之欲得子
者率皆服之無疑夫求子於陰血何至輕用熱劑耶或
曰春氣溫知則物生又氣寒凜則物消不假熱劑何由
子臟得暖而成胎予曰詩言婦人和平則樂有子和則
氣血不爭平則陰陽不乖今得此丸經血必轉紫黑漸
成衰少或先或後始則飲食驟進又則口苦舌乾陰陽
不平血氣不和焉能成胎縱使有成子亦多病以其能

婦人和平而有子之說

三教家二百一

卷一百一

一

損真陰也鄭憲史子生七箇月得淋云云見淋關門

謹按婦人無子多因經血不調或陰虛血少積聚痰氣嗜慾等致種種不同奚已虛與寒而已然經寒者亦有之但不可例為常法尔是以先生論此戒後人不得病機之的者斯藥勿妄行也况無子之因亦豈止於婦室者如東垣云李和叔問中年以來得一子至一歲之後身生紅絲癰不救後三四子一二歲皆病癰而死何緣至此疾翌日思之謂曰汝乃腎中伏火精氣中多有紅絲以氣相傳生子故有此疾俗名胎癰是也按試視之果如其言遂以滋腎丸數服以

瀉腎中火邪補真陰不足忌酒辛熱之物其妻與六味地黄丸以養陰血受胎五月之後以黃芩白木二味作散啖五七服後生子至三歲前證不復作今已年壯意合觀先生已上所論則其旨深矣

婦人治法

調經之劑

局方四物湯治衝任虛損月水不調臍腹痠痛

當歸

川芎

白芍藥

熟地黄 各等分

右咬咀每半兩水煎服

按此手足太陰厥陰藥也

逍遙散治血虛煩熱月水不調臍腹脹痛痰嗽潮熱

甘草 炙半兩 當歸

茯苓

白芍

白朮

柴胡 各一兩

右咬咀每半兩入姜薄荷葉煎服

按此足三陽三陰藥也散血中濕熱之劑

膠艾湯治勞傷血氣衝任虛損月水過多淋瀝不斷

阿膠 炒

川芎

甘草 炙各二兩 當歸

艾葉

炒各二兩 熟地黄

白芍 各四兩

右咬咀每半兩水煎

按此溫經補血之藥也厥陰例

身溫經湯治婦人血海虛寒月水不利

當歸

川芎

芍藥

桂心

牡丹皮

義木 各半兩

人參

甘草

牛膝 各一兩

右咬咀每五錢水煎服

薑黃散治血臟久冷月水不調臍腹刺痛

當歸

牡丹皮

延胡 各二兩

芍藥 二兩

川芎

紅花

桂心

義木 各一兩

川薑黃 四兩

右為末每一錢水煎服酒同煎

按此二方通經之劑破血之藥非止溫經也臍冷氣
血滯者可用姑存之

加減四物湯

經候微少漸漸不通手足煩疼漸瘦坐潮熱脉微數
本方去地黃芩加澤蘭葉三倍甘草半分

經候過多本方去熟加生地黃

經行身熱脉數頭昏本方加柴胡黃芩各半兩經行
微少或脹或疼四肢疼痛加延胡沒藥

白芷與本方等淡醋湯調下末子

經候不調心腹疼痛只用芎歸二味名君臣散

麝茸丸治衝任虛損又為風寒所乘尺脉微小甚者可

灸關元穴

鹿茸 炙

赤石脂

禹餘糧 各二兩 續斷 一兩

栝葉

附子 炮

熟地黃

當歸 酒浸

艾葉

右為末酒糊丸梧子大每五十九空心溫酒下

按此足少陰厥陰藥也今人多用之故枚入治血虛
濕勝帶下甚捷

元戎加味四物湯

氣克經脉故月事頻併臍下多痛本方加芍藥經欲

行臍腹絞痛本方加玄胡檳榔苦棟木香經水過多
本方加黃芩白木

經水澁少本方加葵花紅花

經水適來適斷或有往來寒熱宜先服小柴胡去寒
熱後以四物湯和之

丹溪加味四物湯

經候過而作疼血氣俱虛也宜本方對四君子湯服之
經候將來作痛者血實也本方加桃仁黃連香附
經水不及期血熱也本方加黃連

過期血少也本方加參朮帶痰加半夏陳皮過期紫

黑有塊者血熱也必作痛本方加香附黃連

過期而淡色者痰多也芎歸二味合二陳湯服紫色

成塊者熱也本方加黃連柴胡

肥人不及日數而多痰者多血虛有熱本方加香附

南星半夏黃連白木

瘦人血枯經閉者本方加桃仁紅花或越鞠丸

方見血門

簡易當歸散治經候不勻或三四月不行或一月兩至
或婦人天癸過期經脉不調

當歸

川芎

白芍

黃芩

白朮 各半兩 山茱萸肉 一兩半

右為末每二錢空心溫酒調下日三次

按此足厥陰少陰藥也

寶鑑生地黄丸治婦人血實厥陰脉弦而長病惡風體

倦乍寒乍熱面赤心忪或時自汗如傷寒狀宜服抑

陰藥

生地黄 二兩 柴胡

秦艽

黃芩 各半兩

芍藥 二兩

右末蜜丸枯子太每三十九烏梅湯吞下日三次

按此手足少陰太陰足少陽藥也

經病治法之大抵

二理氣

謹按已上諸方皆調理法也然血分成水氣腸胃等證詳見各門茲不備錄大抵經病實者破之結者散之虛者補之要在適事為故也

○理氣之劑

獲蒙養附丸治經候不調血氣刺痛腹脇脹頭暈惡

心崩漏帶下並宜服之

香附子

擦去皮不以多少米醋浸一日用瓦鍋煮令醋干

右醋糊為丸梧子大日乾每五十九淡酢湯下

一方香附一斤艾葉四兩當歸二兩製同名艾附丸

嚴氏抑氣散治婦人氣盛於血變生諸證頭暈膈滿

香附四兩

茯神

甘草 各二兩

陳皮 二兩

右為末每二錢食前沸湯調下

按此方主於氣衰附丸則氣中之血藥也然氣鬱甚者宜於氣證門選用不必拘此

東垣益胃升陽湯治婦人經候不調或血脫後脈弱食

少水泄日三二行

黃芪二錢 人參 甘草炙 當歸身

陳皮各二錢 白朮三錢 升麻 柴胡各半錢

炒麩一錢半 黃芩半錢秋去之

右咬咀每半兩水煎腹痛加芍藥

補中益氣湯治婦人室女經候不調脈微食少體倦或

熱 方見熱門

按此二方氣血之藥血脫益氣之大法也

紺珠正氣天香湯治婦人一切氣氣上湊心胸攻築

脇肋刺痛月水不調

白烏藥二錢 香附子八錢 陳皮 蘇葉各一錢

乾姜半錢

右咬咀每七八錢水煎服

謹按婦人經病多有因於七情六鬱致者故集已上例以備其義大抵氣行不失其常則經血亦行也

○通經之劑

婦人經病多有因情六鬱者氣行不遂則經亦行

三才圖會

良方通經九治婦人室女經候不通臍腹疼痛或成血

瘕

川椒炒

蓬朮

乾漆炒

當歸一錢半

青皮

乾姜

大黃

桃仁炒

川烏

桂心各一錢

右為末將一半用米醋熬成膏和餘藥成劑白中

杵之丸如梧子大陰乾每二五十九醋湯下

嚴氏方無川烏紅花

加味四物湯嚴氏名六合湯治婦經事未行腹中結塊疼

痛腰痛

本方加桂朮等分

右咬咀每四錢水煎服

紅花當歸散治婦人血脈虛竭或積瘀血經候不行時

作腹痛腰膝重及小腹堅硬及室女經不通

紅花

當歸尾

薤白

牛膝

甘草

蘇木剉白芷

桂心各二兩半

赤芍九兩

芍藥五兩

右為細末空心熱酒調三錢一名凌雲花散

桂枝桃仁湯治經不通臍腹寒痛其脉沉緊此由寒

客於血室血凝不行

桂枝

芍藥

生地黄各二兩 桃仁五十箇

甘草一兩

右為粗末每服五錢水煎以姜棗

地黃通經丸治經不行結積成塊臍下如覆杯

熟地黄三兩 蜜炙去頭足 水蛭糯米炒 桃仁各五十箇

右為細末煉蜜丸如梧子大空心溫酒下五丸未

知加至七丸

嚴氏琥珀散治婦人室女月事凝滯腰脇脹滿及血逆

攻心眩暈不省

新寄效

牡丹皮

熟地黄

玄胡索

烏藥

赤芍

義米

三棱

當歸

桂各一兩

右用前五味用烏豆一升生姜半斤切片米醋四

升同煮豆爛為度焙乾入後五味同為細末每服

二錢用溫酒調服空心食前

戴人王燭散治經候不通腹脹或痛

四物湯對調胃承氣湯

右咬咀

按已上諸方並出厥陰例藥也然有本於氣虛氣鬱

血虛痰積因不同宜於前調經理氣諸方內選用

治崩漏之劑

生地黄散治經漏下血脈虛洪經水紫黑

方見血證門

簡易黃芩湯治崩中下血陽乘陰經水沸溢

黃芩 不以多少

右為末每二錢燒秤鎚淬酒調下

按此二方治熱之劑也

一法用此味治天癸當住每月却行或過多不止出

瑞竹堂方名芩心丸

伏龍肝散治氣血勞傷衝任經虛血非時崩下臍腹冷

痛脈遲弱食少或赤白帶下

伏龍肝

赤石脂

麥門冬 各二兩

甘草 炙半兩

川芎 三兩

當歸

乾姜 七錢半

桂 半兩

艾葉 三兩

熟地黄 二兩

右件為粗末每四錢入棗煎

按此治寒例藥補血固虛之劑

備金散治婦室血崩不止

香附子

炒四兩

當歸尾

二錢

五靈脂

炒一兩

右為末每五錢淡醋湯調空心食前服一方只用

香附一味

澹寮茯苓補心湯治婦人亡血過多或氣逆心悶

四物湯一分半 參蘇飲二分

右咬咀入姜煎

按已上方理氣補榮之劑也

良方縮砂散治血崩

新縮砂不以多少瓦上炒香為細末米飲調下三錢

五靈脂散治血山崩不止

靈脂十兩水煎去滓澄清再煎成膏入神麩二兩和

丸如梧子大每三二十九溫酒下

荊芥散治崩中不止

用此一味於麻油燈上燒焦為末每三錢重便調下

瑞竹堂方蒲黃散治崩中不能止

破故芷

蒲黃

千古石灰各等分炒過

右為末每二三錢淡酒或淡醋湯調下

按已上諸方皆劫劑也

東垣升麻除濕湯治婦人女子漏下惡血月事不調或

暴崩不止多下水漿之物皆由飲食失節或勞傷形

體或素有心氣不足因飲食勞倦致令心火乘脾其

脉緩而弦急按之洪大皆脾土受邪也

柴胡

羌活

蒼朮

黃芪各錢半

防風

甘草炙

升麻

藜本各一錢

蔓荊子七分

獨活

當歸各半錢

右咬咀作一服水煎食前服

涼血地黃湯治婦人血崩是腎水陰虛不能鎮守包絡

相火故血走而崩也

生地黃半錢黃連

羌活

柴胡

防風各三分

黃柏

知母

升麻

藜本

細辛

川芎各二分

甘草一錢

荊芥穗

蔓荊子

黃芩各一分

當歸半錢

紅花少許

右咬咀作一服水煎

按已上三方升劑也經漏不止氣血下陷非此不能治

當歸芍藥湯治婦人經脈漏下不止其色鮮紅或先因

勞役脾胃虛損氣短氣逆自汗不止身熱食懶大便

或泄體倦無力

黃芪一錢半

白朮

蒼朮

當歸身

白芍各一錢

熟地黃半錢甘草炙

生地黃各二分

陳皮半錢

柴胡二分

右咬咀作一服水煎

按此補劑也

氣血下陷經漏不止
治方是升劑

○治帶下之劑

千金方治帶下脉数者

枸杞根一兩

生地黄五兩

右二味酒煮二升至三合作一服

按此治熱例藥也

元戎六合湯治婦人赤白帶下脉沉微腹痛或陰中痛

四物湯四兩

桂

附子炒五錢

右哎咀每五錢水煎食前服

按此治寒之劑也

寘明導水丸治濕熱鬱於下焦之分赤白帶下不止躁

熱煩渴

方見濕門

按此治濕熱之藥下劑也

嚴氏當歸煎丸治赤白帶下腹內疼痛不飲食羸瘦

當歸

赤芍炒

牡蠣煨

熟地黄

阿膠炒

白芍炒

續斷酒浸各二兩

地榆五錢

右為末醋糊丸梧子大每五十九空心米飲下

按此治血虛之劑潤燥藥也

良方白芷散治赤白帶下

白芷一兩

海螵蛸

三箇燒

胎髮一錢煨

治帶下潤燥方

五世而下

卷八

三

右為細末空心溫酒調下二錢

伏龍肝散治婦人赤白帶下久患不瘥肌瘦黃瘦多困之力

棕櫚

不以多少燒灰火熬急以盆蓋蓋

伏龍肝

鍋竈直下取炒令烟盡

屋梁上塵

懸長者如無竈頭屋空中者炒令烟盡

右三味等分研和令停入龍腦麝香各少許每服

二錢溫酒下淡醋湯亦可患十年者半月可安

按已上方皆劫劑也

益母草散治赤白惡露下不止

益母草開花時採陰乾為細末空心溫酒調下二錢

日三服

東垣固真丸治白帶久不止臍腹冷痛陰中亦然

白石脂

一錢火燒赤

乾姜

炮四錢 黃栢

白芍

各二錢

白龍骨

二錢

柴胡

一錢 當歸身

右除石脂龍骨另研外同為細末水煮糊丸如桐

子大每千丸食前煎水下

按此寒熱之劑又止瀉藥也

桂附湯治白帶腥臭多非不樂大寒

肉桂

一錢

附子

三錢

黃栢

二錢 知母

甘草

炙

升麻

各半錢

黃芪

錢半 人參

右咬咀作一服水煎服

按此補陽氣極虛用黃栢等為引用又升降陰陽藥也

補經固真湯治白帶下流不止始病崩中日久血少復亡其陽故白滑之物不止也

柴胡

甘草

郁李仁研

黃芩各一錢

乾姜二錢

橘皮半錢

人參二錢

白葵花去蕊

右咬咀水煎空心服

按此補例藥也

衛生湯治帶下不止脉微弱腹痛

白芍

炒

當歸各二兩

黃芪三兩

甘草一兩

右咬咀或末每五錢水煎空心服下苦棟丸三十

粒

按此補血之劑也

苦棟丸治赤白帶下

苦棟

碎酒浸

茴香

炒

當歸各等分

右為末酒糊丸桐子大每五十九空心酒下

按此謂邪入小腸故用此燥內藥也

酒煮當歸丸治癩疔白帶下注脚氣腰已下如在冰雪

中以火焙乾寫于衣蓋其上猶寒冷不任寒之極者面白

如枯魚之象肌肉瘦削小便不止與白帶常流不禁
病甚者

當歸二兩

茴香半兩

良姜

附子炮各七錢

已上四味咬咀以好酒一升半煮至乾再焙乾

炒黃蘗

全蠋各一錢

丁香

苦棟

甘草炙各半錢柴胡二錢

升麻

木香各二錢

玄胡四錢

右與前同為細末酒煮糊為丸如梧子大每五七

十九空心淡醋湯下忌酒濕麵油膩物

按此升陽勝濕之劑氣血藥也

升陽燥濕湯治白帶下陰戶痛控心急痛身黃皮緩身

重如山陰中如水

防風

良姜

乾姜

郁李仁

甘草各一錢

柴胡錢三分

橘皮

黃芩各半錢

白葵花七朵

右咬咀分作二服水煎空心服

按此升散之劑也

坐藥勝陰丹

三柰子

川烏頭

大椒各半分

柴胡

羌活各三分

全蠋三箇

蒜七分

甘松二分

破故正

八分與
同灸

升麻

枯礬 各二分

麝香 少許

右為細末煉蜜丸如彈子大綿裹留絲在外納丸
藥於陰戶內

按此劫藥也

○灸法

氣海一穴在臍下一寸五分主月事不調帶下崩中因

產惡露不止繞臍痛灸五壯

帶脉二穴在季脇下一寸八分隔者宛宛中灸七壯主

婦人月水不調及閉不通赤白帶下氣轉運背引痛

不可忍

血海二穴在膝膕上內廉白肉際二寸中治女子漏下

惡血月事不調逆氣脹灸三壯

陰谷二穴在膝內輔骨後大筋下小筋上按之應手屈

膝取之治婦人漏血不止腹脹滿不得息小便黃如

蠱膝如錐不得屈伸小腹引痛灸三壯

關元一穴在臍下四寸主婦人帶下痲聚因產惡露不

止斷產下經冷可灸百壯

○安胎之劑

金匱方當歸散妊娠宜常服之

當歸

黃芩

白芍

川芎 各二兩

白木 半兩

右五味為末酒飲調服方寸七日二次

按此方養血清熱之劑也瘦人血少有熱胎動不安
數嘗半產者難產者皆宜服之以清其源而無後患
千金茯苓半夏湯治妊娘惡阻心悶吐逆頭眩四肢怠
惰煩疼痰逆嘔吐惡寒自汗黃瘦

半夏 炮上茯苓黃

生姜五兩

茯苓

熟地黄各三兩

橘紅

細辛

人參

芍藥

紫蘇

川芎各二兩

苦梗

甘草各半兩

右咬咀每四錢水煎空心服

局方參橘散治妊娘三月惡阻吐逆不食或心虛煩悶

橘皮

茯苓各一兩

麥門冬

白木

厚朴製

甘草各半兩

右咬咀每四錢入姜竹茹煎一方加入參名竹茹

湯良方名人參橘皮湯

良方膠艾湯治妊娘或因頓仆胎動不安腰腹疼痛或

胎上搶心或去血腹痛

膠一斤炙

艾葉 數莖

指迷方加秦朮

右二味以水五升煮取二升分三服

阿膠散 嚴氏方作膠艾湯不問妊娘月數深淺或頓仆或因

毒藥胎動不安腰痛腹滿槍心短氣

熟地黄

艾葉

白芍

川芎

黃芪

阿膠

當歸

甘草各二兩

右咬咀每四錢入姜棗合煎金匱方無黃芪

佛手散治妊娠傷胎下血

當歸二錢

川芎二錢

右咬咀水煎食前服

安胎散治妊娠自高墜下或為重物所壓觸動胎氣腹

痛下血胃虛嘔逆並宜服之

縮砂不必多炒過

右為末每錢用酒調服艾鹽湯亦可

簡易方知母飲治妊娠心脾壅熱咽膈渴苦煩悶多驚

赤茯苓

黃芩

黃芪各三兩 知母

甘草

麥門冬各二兩

右咬咀每四錢入桑白皮熟時再入竹瀝些小服

竹葉湯治妊娠心驚膽怯終日煩悶名曰子煩

白茯苓四兩防風

麥門冬

黃芩各二兩

右咬咀每四錢入竹葉五片水煎外其方有竹瀝

二合無葉一方有黃芩知母

援卒方枳殼湯治胎漏下血或因事下血

王持老之曰六一
女八月

黃芩各半兩

白朮一兩

右為末每一錢白湯調下宣明方無枳殼

二黃散治胎漏下血

生地黃

熟地黃

右為末前白朮枳殼湯調下二錢或錢半

按良方論云婦人有子之後血畜以養胎矣豈可復能散動耶所以然者有娘而月信每至是亦未必因血盛也若謂榮經有風則經血喜動以其風勝則可此例可見胎漏之因非止一端也治者宜擴充焉

地黃當歸湯治胎痛

當歸一兩

熟地黃二兩

右為末每半兩水煎良方等分為末蜜丸名內補丸

許學士大率婦人妊娠唯在抑陽助陰蓋此等藥甚

多然胎前藥唯惡群隊若陰陽交錯別生他病唯是枳

殼散所以抑陽四物湯所以助陰故尔然枳殼散差

寒若單服之恐有胎寒腹痛之疾以內補丸佐之則

陽不至強陰不至弱陰陽調停有益胎嗣此前人未

嘗論及也愚詳陰陽調停不若不服為愈

全生方白朮散治妊娠面目虛浮肢體腫如水氣名曰

子腫

婦唯在抑陽助陰

胎前藥唯惡群隊

不若至服為愈之妙

三〇

白朮二兩

生薑皮

大腹皮

陳皮

白茯苓皮

各半兩

右為末每二錢米飲調下指迷方有桑白皮無木

李氏天仙藤散治妊娠自三月成胎之後兩足自脚面

漸腫腿膝以來行步艱辛以至喘悶飲食不羨狀似

水氣至於脚指間有黃水出者名曰子氣

天仙藤洗淨炒香附子炒 陳皮

甘草

烏藥等分

右為末每服三錢水煎入姜三片木瓜二片紫蘇

三葉同煎空心食前服日三次腫消止藥

按此二方治證例相類故併錄之

嚴氏紫蘇飲治胎氣不和湊上心腹脹滿疼痛謂之子

懸

大腹皮

川芎

白芍

陳皮

蘇葉

當歸各二兩

人參

甘草各半兩

右咬咀每四錢入姜葱煎

安榮散治妊娠小便澀少遂成淋澀名曰子淋

麥門冬

通草

滑石各三錢

當歸

燈心

甘草各半兩

人參

細辛各一兩

右為細末每二錢煎麥門冬湯調下

羚羊角散治妊娠中風頭項強直筋脈攣急言語蹇澁

痰涎不利或時發搐不省人事名曰子癇

羚羊角 川獨活 酸棗仁炒 五加皮各半錢

薏苡仁 防風 當歸 川芎

茯神 杏仁各四 木香 甘草各二分半

右咬咀每五錢入姜煎

八味丸治妊娠小便不通名曰轉胞亦治子淋

方見補虛門

丹谿參朮飲治妊娠轉胞

四物湯加人參 白朮 半夏

陳皮 甘草

右咬咀入生姜煎空心服

按丹谿曰轉胞之病胎婦之稟受弱者憂悶多者性

急躁者食味厚者庸或有之古方皆用滑利藥鮮有

應効因思胞不自轉為胎所壓展在一邊胞系了戾

不通耳胎若舉起居於其中胞系自疏水道自利然

胎之墜下必有其由近吳宅寵人患此兩脉似瀆重

則弦左稍和予曰此得之憂患瀆為血少氣多則胎

氣弱而不能舉弦為有飲血少則胎弱氣多有飲中
焦不清而隘則胞知所避而就下乃以已上藥與服

隨以指探喉中吐出藥汁候少頃氣定又與之次早亦然至八貼安此法恐偶中耳後又治數人亦効未
知果何如耶仲景云婦人本肌肥盛頭舉自滿全反
羸瘦頭舉中空胞系了戾亦多致此病但利小便則
愈宜服腎氣丸以中有茯苓故也地黃為君功在補
胞若頭舉等語其義未詳恐有能知之者

按已上安娘諸法皆氣血本病之藥故非辛執苦寒
之劑蓋產前當清熱養血也然有外感風寒內傷生
冷以辛執散之溫之大積大聚以藥衰其大半而止
經曰婦人重身毒之何如岐伯曰有故無殞故無殞

也斯法亦不為本病之謂也故姪娘諸證例藥詳見

大全良方茲不備錄

東胎丸 第八箇月服之

黃芩

炒夏兩春秋七錢半冬半兩

白朮 二兩

茯苓 七錢半

陳皮 三兩忌火

右為末粥為丸桐子大每三四十九空心白湯下

達生散 又名東胎散

大腹皮 三錢 人參

陳皮 各半錢 白朮

白芍 各二錢

甘草 炙二錢

紫蘇葉 半錢

當歸尾 一錢 或加枳殼縮砂

有胎數月而用陳皮
則不燥也

夏苓散後降下
春甘去符散散

局方良方便未定
其妙之說故不敢行
云云

八消胎易產

三消胎易產

婦人月

三十一

右咬咀作一服入青葱五葉黃柳腦七箇煎服於
八九箇月服十數貼甚得力或夏加黃芩春加芍
冬依正方或有別證以意消息

又方於第九箇月服

黃芩性動寒白朮一兩

滑石

枳殼

右為末粥丸如桐子大每服三十九空心熱湯下
按世俗婦室姪娘鮮有服東胎藥者蓋局方良方
諸法未能盡其妙用者多輒動娘故率不敢行然
丹溪先生因製以上諸方以備世俗取擇實好生
君子之一端也

○滑胎易產藥

枳殼散治姪娘胎肥壅滯難產臨月服之

粉草一兩炙商州枳殼二兩

右為細末百沸湯點二錢空心日三服

一方枳殼六兩甘草一兩

一方有糯米半升淘控乾同炒為末

溫隱居加當歸木香各等分

又法張氏方治姪娘胎肥動止艱辛臨月服之縮胎易

產治氣寬膈

枳殼五兩 甘草一兩半 香附子二兩炒

玉機卷之百十九

婦人月

三十一

為細末姜湯點服

神寢丸滑胎易產入月服之

通明乳香半兩 枳殼一兩

右為末煉蜜丸梧子大空心酒下三十九

陸氏名寤生丸乳香只一分

保氣散安胎易產或居處失宜偶然頓仆胎動胎痛漏

胎下血兼服佛手散

香附子四兩 山藥二兩 縮砂一兩 木香四錢

粉草一兩 益智 紫蘇各半兩

右為細末白湯點二錢入月服之

益元散入月服之滑胎易產

方見前

○產間藥

施氏催生如意散臨產腰疼方可服之

人參 乳香各一錢 木 辰砂半錢

右三味一處研臨產急用雞清一箇調藥末再用

生姜汁調冷服如橫生倒產即時端順而生

催生佛手散 方見前

嚴氏無憂散治胎肥氣逆或人瘦血少胎弱臨產難產者便產須知名保生無憂散

九產間

當歸

川芎

白芍 各二兩

枳殼 炒五錢

乳香 七錢

木香 二錢半

餘血灰 二錢

甘草

右為末每二錢水煎服

簡易集效黑散子催生兼治橫生逆產

百草霜

白芷末 等分

右和勻每二錢童便并好醋調稀更以沸湯調下

旬方催生丹治產婦生理不順產育艱難或橫或逆並

宜治之

十二月兔腦髓

去皮膜研如泥

乳香

另研細五分

母丁香 二錢半

麝香 另研五分半

右三味拌勻以兔腦和丸如鷄頭大陰乾油紙裹

每一丸溫水下即產兒手中捏出

良方催生乳香膏名如神開骨膏又名乳珠丹

一法滴乳為末猪心血為丸五月五日午時合右如

桐子大硃砂為衣每一粒面東酒吞下未下再服如

胎乾者先與四物湯

秘方益母丸專治橫生逆產難產并安胎順氣神效

益母草五月採陰乾石臼搗為末煉蜜丸如禪子大

每一丸或二丸臨產以童便和溫酒送下氣不順亦香

參湯送下或作小丸吞服亦可

獨勝散

黃葵子炒七十粒

若也臨危難產時

研爛酒服濟君急
免得全家俱哭泣

小品療橫生倒產手足先出方

用粗針刺兒手足入二分許兒得痛驚轉歸縮自當
回順而生

一法鹽塗兒足底又可急搔瓜之并以鹽摩產婦腹

上即產

機要平夏湯治胎衣不下或子死腹中或子衝上而昏

悶或血暴下及胎乾不能產者

半夏麩二兩半

桂七錢半

桃仁 三箇炒

大黃半兩

右為細末先服四物湯三兩次服此生姜同煎

良方治死胎不下其證產母舌青黑及胎上冷者子已

死或指甲青舌青脹悶甚者口中作屎臭先以平胃

散一貼作兩服每服酒水各一盞同煎至一盞却投

朴硝半兩研細再煎數沸溫服胎化血水下

鹿角散治因熱病胎死腹中

鹿角屑二兩

右水煎入葱白五莖豉半合丹溪云燒過治產後

血暈

當歸湯治子死不下

川當歸三兩 川芎二兩

右為末水酒各半調下四錢末下再服

一方只用川芎末酒煎服

香桂散下死胎

麝香半錢 桂心三錢為末

右和勻只作一服溫酒調下

一方朴硝末二錢溫童便調下

必效方牛膝湯治胎衣不出腹臍堅脹急痛即殺人服

此胞即爛下死胎

牛膝

瞿麥各四兩 當歸三兩

通草六兩

滑石八兩

葵子五兩

右切細以水九升煮取三升分三服

宣明礞砂散治死腹中不下

礞砂研細 當歸各一兩

右二味研極細只分作二服溫酒調下如重車行

五里不下再服

局方至寶丹

見本方

花藥石散治胎死腹中及胎衣不下

花藥石 一斤 上色硫黃 四兩

右二味相拌勻煉製見良方

黑龍丹治產後一切血疾產難胎衣不下危急惡疾垂死者但灌得下無不全活

當歸

五靈脂

川芎

良姜

熟地黄

各一兩對以沙合盛赤石脂泥縫紙筋鹽泥固濟炭火十斤煨令通赤去火候冷取開看成黑槽色取細研却入後藥

百草霜 五兩 硫黃

乳香 各二錢 花藥石

琥珀 各二錢

右五味並細研與前藥再研如法修製和勻以米醋煮麩糊丸如彈子大每服一丸炭火燒令通赤投於生薑自然汗與童便入酒澆出控乾研細只此酒下

一方取死胎用烏雞一隻去毛細切水煎三升湯通手用衣帛蘸摩臍下胎自出

○產後雜方

芎方芎歸湯治產後去血過多暈煩不省

當歸

芎藭 等分

右咬咀每半兩水煎服腹疼加桂名桂香散

一名琥珀散治腹中痛急自汗頭眩少氣加羊肉名

羊肉湯

黑神散治產後惡露不盡胎衣不下血氣攻心及腹痛不止

黑豆炒半升 熟地黄 當歸 肉桂

乾姜 甘草 白芍 蒲黃各四兩

生地黄 局方良方俱無川味便產須知有之

右為末每二錢酒童便各半調服一名烏金散

按此手少陰足厥陰太陰陽明表裏血藥也立方

大意身前丹溪之論矣今人以為治產後百病罕用之故收入然用者自宜通變

人參當歸散治產後去血過多血虛則陰虛陰虛則內

熱心煩短氣自汗頭痛

熟地黄 人參 當歸 桂

麥門冬各二兩 白芍 二兩炒

右咬咀每五錢入竹葉生姜煎

當歸黃芪湯治產後失血多腰痠身熱自汗

當歸 三兩 黃芪 二兩 白芍 一兩半炒

右咬咀每五錢入姜煎

失笑散治產後心腹絞痛欲死及兒枕痛

蒲黃炒

五靈脂各等分

右為末醋調二錢熬成膏湯化服之

一法治兒枕痛各單服

經驗方三聖散治兒枕痛

當歸

桂

玄胡索

右等分為細末每服二錢熱酒或童便調下

嚴氏清魂散治產後血暈昏不知人更宜取漆器於床

前燒薰之頓置醋炭更服此藥

澤蘭葉

人參各二兩

荆芥穗四兩甘草炙八錢

川芎二兩

右為末每二錢熱湯溫酒各半盞調下

抵聖湯治產後血氣傷於脾胃腹脇滿悶嘔逆惡心

赤芍

半夏

澤蘭葉

陳皮

人參各二錢

甘草炙二錢

右咬咀作一服入生薑煎

當歸羊肉湯治產後發熱自汗肢體痠痛名曰暮勞

當歸

人參各七錢

黃芪一兩

生薑半兩

右咬咀用羊肉一斤煮清汁五大盞去肉入煎藥

煎四盞去粗作六服

良方茯苓散治產後心虛怔忡不定言語錯亂

人參 甘草 山藥 當歸各一錢

生薑 遠志 茯苓 桂心

麥門冬各半錢 大棗

右咬咀水煎

機要增損柴胡湯治產後經水通斷感於異證手足攣

搖咬牙底骨

柴胡八錢 黃芩四錢半 人參三錢 甘草炒四錢

石膏四錢 知母三錢 黃芪五錢 半夏三錢

右為粗末每半兩入姜棗煎

血風湯治產諸風痠痺無力

秦艽 羌活 防風 白芷

川芎 芍藥 白木 當歸

地黃 茯苓 半夏 黃芪 等分

右為末一半為丸煉蜜桐子大一半為散温酒送

下五七十九

愈風散治產後中風口噤牙關緊急手足痲痺如扇片狀

荆芥穗畧炒為末

右每三錢豆淋酒調下童便亦可一方加當歸

謹按產後多有血病身強痲癢而似中風者宜用此

藥通血脈而清神或加當歸者為然非外因例藥也
是以姑錄此一法義見後并溪論

獨行散治產後血暈昏迷

五靈脂炒為末水酒童便調下一二錢

當歸散治產後氣血俱虛無大補恐增客熱宜服此去

惡露

當歸

白芍

川芎

黃芩各一兩

白木半兩

右為細末溫童便調下一二錢

黃芪湯治產後汗不止因陰虛而得

黃芪二錢

白木

防風

熟地黄

牡蠣煨

白茯苓

麥門冬

甘草炙各半錢

右咬咀每半兩入棗煎

加減四物湯治產後陰虛發熱或日間明了暮則發熱

增寒

當歸

川芎

生地黄

訶胡

右等分每四五錢水煎

瑞竹堂方治產後血塊腹痛

京芍炒

當歸

熟地黄

白芍

炒各半兩

蒲黃炒二分

右同為細末每服三錢空心温酒調下

丹溪參朮膏治產後胞損成淋瀝證

人參二錢半 白朮二錢

桃仁

陳皮各錢

黃芪一錢半

茯苓一錢

甘草炙半錢

右咬咀水煎猪羊胞後入藥作一服

丹溪曰嘗見尿胞因收生者不謹以致破損而得淋瀝證有徐氏婦於壯年得此因思肌肉破傷在外者且可補完胞雖在腹恐亦可治該其脈虛甚因悟曰難產之人多是氣虛難產之後血氣尤虛因用峻補以參朮膏煎以猪羊胞極飢時與之每劑用一兩至

一月而安恐是氣血驟受其胞可完若稍遲緩恐難

成功

嚴氏趣痛散治產後血滯筋脉拘攣腰背痠直通身疼

痛

當歸

桂

白朮

牛膝

甘草各三錢黃芪

獨活

生姜

雞白二錢半

右咬咀每半兩水煎

按此手足三陰藥出太陽例治表之劑也然惡露不盡絞痛不止宜良方首婦湯散治裏之劑以大大黃桃

仁等藥下之血畜經絡成血塊宜後藥丸以重虫水
蛭等藥逐之皆變法也茲不詳錄故已上諸方皆調
理之劑餘有異證詳見大全良方

謹按產後血滯於經多成癰腫或有致不救者蓋氣
血虛損逆之甚也大抵此兼陰虛火動凡辛溫之劑
宜慎之矧產後用藥有三禁我丹溪先生謂產後如
無惡阻當大補氣血雖有雜證以末治之如中風切
不可作風治與小續命湯必先補氣血然後治痰當
以左右手之脉分其氣血多少而治如發熱惡寒皆
是氣血左手脉不足用補血藥多於補氣藥右手脉

不足用補氣藥多於補血藥惡寒發熱腹痛者當去
惡血以求通變之意也

以左右手之脉分
血多少之說並注

玉機微義卷之四十九

王機微義卷之五十

小兒門

○論色脉法

脉經曰小兒四五歲脉呼吸八至細數者吉小兒脉呼吸八至者平九至者傷十至者困 診小兒脉法多雀聞要以三部脉為主若緊為風癘沉者乳不消弦急者客忤氣 小兒是其日數應變蒸之時身熱而脉亂汗不出不欲食食輒吐哕者脉亂無苦也小兒脉沉而數者骨間有熱欲以腹按冷清也 小兒大瘦赤青 癩殮洩脉小手足寒雖色脉小手足溫易已 小兒病困

凡便赤青辨瘰癧世脉小手足溫易已

三歲至五歲

小兒門

如入月

汗出如珠著身不流者死 小兒病其頭毛皆上逆者
必死耳間青脉起者瘵痛 小兒病而顛陷其口唇乾
目皮反口中氣出冷手足四垂其臥如縛掌中冷皆死
不治

脉訣啓蒙曰凡診小兒脉當大指按三部一息六七至
為平和八九至為發熱五至為內寒弦脉為風癩沉緩
為傷食促急為虛驚弦急為氣不和沉細為冷浮為風
大小不調為鬼祟浮大數為風熱伏結為物聚單細為
疳癆風腸痛多喘嘔而脉洪為有虫浮而遲潮熱者胃
寒也

按此本錢氏脉法也頗詳

虎口歌

虎口脉歌曰紫風紅傷寒青驚白色疳黑特因中惡黃

即困脾端

按全嬰等書云小兒三歲已前虎口第二指上寅卯
關有脉紋見者可驗病狀男左女右視之脉紋從寅
關起不至卯關者病易治若連於卯關者有病難治
如寅連卯卯侵過辰關者十難救一若脉紋小或短
者病易治也宜參視之

錢氏曰面上證左腮為肝右腮為肺額上為心鼻為脾
頰為腎赤者熱也隨證治之 目內證赤者心熱導赤

病証其脈、痲狀
面色紅勝、脈色

散主之淡紅者心虛熱生犀散主之青者肝熱瀉青丸
主之淺淡者補之黃者脾熱瀉黃散主之無精光者腎
虛地黃丸主之紫古曰青是腹痛桂芍藥紫古曰肝病
面白 肺病面赤 脾病面青 腎病面黃 心病面
黑若肝病驚搖而又加面白痰涎喘急之類此皆難治
餘皆倣此推之叔和云春得秋脈定知死亦此意也
按錢氏云者本病也紫古則兼勝已制化言之故後
五臟形證不容不辨也

論五臟形證虛實所主

錢氏曰肝主風實則目直大叫呵欠項急頭悶虛則咬

答
治以針刺

牙多欠氣熱則外生氣溫則內生 肝熱手尋衣領及
亂捻物瀉青丸主之壯熱飲水喘悶瀉白散主之 肝
有風目連劄不搖得心熱則搖治肝瀉青丸治心導赤
散 風甚身反張直不搖心不受熱也當補腎治肝
肝有熱目直視不搖得心熱則搖治與有風同 凡病
或新或久皆引肝風風動而止於頭目目屬肝風入於
目上下左右如風吹不輕不重兒不能任故目運劄也
若熱入目牽其筋脈兩皆俱緊不能轉視故目直也若
得心熱則搖以其子母俱有實熱風火相搏故也
紫古曰肝主謀勇熱則尋衣捻物目連劄直視不能轉

視或極則身反強直折皆風熱也目者肝之竅屬水木
性急故如是

錢氏曰心主驚實則叫哭發熱飲水而搐 虛則困卧
悸動不安 心病多叫哭手足動搖驚悸 心氣熱則

心胃亦熱欲言不能而有就涼之意故合面卧 心熱
視其睡口中氣溫或合面睡及上竈搖頭咬牙皆心熱
也導赤散主之心實則氣上下澀合卧則氣不得通故
喜仰卧則氣得上下通也瀉心湯主之

錢氏曰脾主困病則困腫洩瀉不思食 實則困睡身
熱飲水 虛則吐瀉生風

肺主喘竅悶喘促有飲水者有不飲水者虛則哽氣
長出氣 肺熱手插眉目鼻面 肺盛復有風冷胃滿

短氣氣急喘嗽上氣當先散肺後散風冷肺只傷寒則
不胃滿 肺虛熱唇深紅色治之散虛熱 肺臟怯唇白

色當補若悶亂氣急喘促哽氣者難治肺虛損故也

脾肺病久則虛而唇白脾者肺之母也母子皆虛不能
相營故名曰怯肺主唇白白而澤者吉如枯骨者死紫
古曰肺主氣燥熱則壯熱飲水喘悶鼻乾燥手捫眉面
瀉白散 胃滿短氣氣急喘嗽上氣皆是肺氣有餘復
感風邪之所傷謂之微邪先瀉而復發散之

目中白睛多解顛
面皸白者皆難養

三九
畏明亦腎虛証之

錢氏曰腎主虛無實也惟瘡疹腎實則黑陷 腎虛見
本虛怯由胎氣不成則神不足目中白睛多其顛即解
自開也 面色皸白此皆難養縱長不過八八之數若恣
色慾多不及四旬而亡或有因病而致腎虛者非也又
腎氣不足則下窳蓋骨重惟欲墜下而縮身也腎水陰
也腎虛則畏明宜補之
黎古曰下窳者腎氣不足兩足熱不喜衣履足然此者
臍以下皆腎之所主緣心氣下行於腎部也此乃腎不
足而心有餘宜地黃丸

○論五臟相勝虛實之邪

錢氏曰五臟相勝輕重肝臟病見秋木旺肝強勝肺也
宜補肺瀉肝輕者肝病退重者唇白而死肺病見春金
旺肺勝肝當瀉肺輕者肝病退重者目淡青必發驚更
有赤者當搖為肝怯當日淡青色也

心病見冬火旺心強勝腎當補腎治心輕者病退重者
下窳不語腎怯虛也

腎病見夏水勝火腎勝心也當治腎輕者病退重者悸
動當搖也

脾病見四旁皆做此治之順者易治逆者難治脾怯當
面目赤黃五臟相反隨證治之

又曰如肺病又見肝證咬牙多呵欠者易治肝虛不能
勝肺故也若目直大叫哭項急頸悶者難治蓋肺病久
則虛冷肝強實而反勝肺也視病之新久虛實虛則補
母實則瀉子

紫古曰肝勝肺則肝病身熱發搐又見肺虛喘而氣短
病見於申酉戌時是肝真強也內經曰受所制而不能
制謂之真強法當補脾肺而後瀉肝導赤散瀉黃散

肺勝肝則肺病喘嗽氣盛見於寅卯辰時木之位又以
見肝怯少力正謂鬼賊所尅法當補肝瀉肺若肺病嗽
久虛羸無實奈得瀉肺只宜用地黃丸補之不可服瀉

白散何謂也經云虛則補之實則瀉之

按此謂五臟相勝病機不離五行生尅制化之理者

蓋小兒初在襁褓未有七情六慾只是形體脆弱血

氣未定腑臟精神未完所以有臟氣虛實勝乘之病

但世俗不審此理往往遇是率指為外感內傷而用

藥致枉死者多矣悲夫矧錢論脫畧幸而繫古補之

今特參附誠所謂無窮之惠也

繫古曰五臟子母虛實鬼賊微正若不達旨意不易得

而入焉

在前者為實邪

小兒在襁褓時未育
七情六欲形脆血氣
精神未府等未完所
以有氣虛實勝乘
而已說

五臟子母虛實鬼賊微正若不達旨意不易得

九月

六

子能令母實拒鬼賊不敢傷於母其子又引母所尅者妻相助故曰實邪也

在後者為虛邪

母引子之鬼賊至由此母能使子虛也內經曰子能令母實母能令子虛此之謂也

妻來乘夫為微邪

夫來乘妻為賊邪

法當瀉鬼補本臟

本臟自病為正邪

法當虛則補之實則瀉之內經曰滋苗者必固其根

伐下者必枯其上逆其根則伐其本伐其本則敗其

真矣

按此以五行生尅之道論也義見難經五十難及後五臟治要論宜參攷之

心主熱自病或大熱瀉心湯主之

實則煩熱黃連瀉心湯主之

虛則驚悸生犀散主之

肺乘心微邪

喘而壯熱瀉白散

肝乘心虛邪

風熱煎大羌活湯下大青丸

脾乘心實邪

洩瀉身熱瀉黃散

腎乘心賊邪

恐怖惡寒安神丸

按乘者猶乘車之乘也大抵五臟之病相乘伏匿隱顯莫測已上但言本病乘勝之道故以五臟治要附于左宜參攷焉

凡心臟得病必先調其肝腎兩臟腎者心之鬼肝氣通則心氣和肝氣滯則心氣乏此心病先求于肝清

其源也五臟受病必傳其所勝水能勝火則腎之受邪必傳於心故先治其腎逐其邪也故其退腎也益肝氣兩方或診其脉肝腎兩臟俱和而心自生疾然後察其心家虛實治之

肺主燥自病則喘嗽燥則潤之

實則喘而氣盛瀉白散

虛則喘而少氣先益黃散而後阿膠散

心乘肺賊邪

熱而喘嗽先地黃丸中導赤散後阿膠散

肝乘肺微邪

惡風眩冒昏憤嗽羗活骨

腎乘肺實邪

增寒嗽清利百部丸

脾乘肺虛邪

體重吐痰泄瀉嗽人參白朮散

凡肺之得疾必先觀心之虛實若心火炎盛鑠金即當先抑心氣後喫肺藥若心氣和即更看脾脉若脾氣虛冷即不能相生而肺家生氣不足則風邪易感故患肺寒者皆脾虛得之若脾氣盛實則亦痞隔中焦而大腸與肺表裏不能相通夫中焦熱隔則肺大

肺病察心之虛實之例

又脾虛不能相生而肺家生氣不足則風邪易感妙說

又脾氣盛安痞膈中焦肺大腸不通其甚熱之氣蒸於肺之証

因

先治病之主源然後隨肺之寒熱而治之

肝治例

例

腸不通其毒熱之氣必上蒸於肺而生疾故患肺熱者多脾實得之心氣盛瀉之脾氣虛者益之脾氣實者通之然後隨其肺之寒熱以治之故有抑心氣益脾氣通脾氣三藥若診其脉氣心脾兩臟俱和而肺自生疾則但察肺家虛實而治之

肝主風自病則風搖拘急肝若急急食甘以緩之佐以酸苦以辛散之

實則風搖力大瀉青丸

虛則風搖力少地黃丸

心乘肝實邪

玉機卷之五十一

壯熱而搐利驚九涼驚丸主之

肺乘肝賊邪

氣盛則前晨呵欠微搐法當瀉肺先補本臟補肝地

黃丸主之瀉肺瀉白散主之

脾乘肝微邪

多睡體重搐先當定搐瀉青丸主之搐止再見後證

則別立法治之

腎乘肝虛邪

增寒呵欠搐羗活膏

凡肝得病必先察其肺腎兩臟根其病之所起然後

肺乘肝虛心虛安

又脾虛生心相生而肺乘生氣不足則風邪易感妙說

脾治例

復其肝家本臟之虛實方可治察然腎者肝之母金

者木之賊今肝之得病若非腎水之不能相生必是

肺金之鬼來相攻擊不得不詳審而求之故其來在

肺先治其肺攻其鬼也其來在腎先補其腎滋其根

也然後審其肝家本臟之虛實而寒溫之

脾主濕自病則泄瀉多睡體重昏倦脾苦濕急食苦以

燥之

實則泄瀉赤黃睡不露睛瀉黃散

虛則泄瀉白色睡露睛白朮散

肝乘脾賊邪

五藏之五

風瀉而嘔茯苓半夏湯主之

心乘脾虛邪

壯熱體重而瀉羌活黃芩蒼朮甘草湯主之

肺乘脾實邪

能食不大便而嘔嗽煎擯大黃湯下葶藶丸

腎乘脾微邪

惡寒泄理中丸之類

凡脾之得病必先察其肝心兩臟之虛實根其源之所起然後救療蓋肝是脾之鬼心是脾之母肝氣盛則鬼勝心氣虧則脾家生氣不足盛者抑之則退虧

者益之則不之故有抑肝氣益心氣兩藥診其脉肝

心兩臟俱和則是脾自生疾察其虛實而治

腎主寒自病則是脛寒而逆人之五臟惟腎無實小兒

瘡疹變黑陷則是腎實水射遠心火是以水能制火也

心乘腎微邪

內熱不惡寒桂枝丸

肺乘腎虛邪

喘嗽皮溢寒百部丸

肝乘腎實邪

拘急氣搐身寒理中丸

腎門

三發卷之五十一

小兒門

十一

脾乘腎邪

體重泄瀉身寒理中丸

本臟虛弱是自己正令不行乃鬼賊之所尅害當補本臟之正氣假令肺病喘嗽時於初春見之法當補腎見於夏救肺見於秋瀉肺見於冬補心瀉本臟乃名寒嗽大抵五臟各至本位即氣盛不可更補到所尅位不可更瀉

五行之間惟腎之一臟毋盛而子反受邪而物之性

有不可一槩論者肺腎是也何則肺屬金射於皮毛

所主者氣腎屬水主於骨髓所藏者精氣之輕浮能

上而不能下精之沉重能下而不能上此物性之然

今肺之盛蓋熱之作也氣得熱而上蒸則肺不能下

生於腎而腎受邪矣急食涼藥解之使臟氣溫和自

能下生於腎此腎之病必先救之於肺若肺臟安和

而腎忽然受病者不過脾之濕相刑於腎而生疾所

以有解肺熱去脾邪兩藥若脾肺兩臟俱和而腎自

生疾亦察其本臟而治之

○論外感風寒

錢氏曰傷風貪睡口中氣熱呵欠頻悶當發散與大青膏解不散有下證當下大黃丸大飲水不止善食者可

五臟各至本位即氣盛不可更補到所尅位不可更瀉

腎之秀在盛而子反受邪之新說

腎病先求師之旨

至機卷之五十一

小兒月

十一

五檢卷之五十一
微下餘不可下也 傷風手足冷脾臟怯也當先和脾

後發散和解傷風自利脾虛怯也 傷風腹脹脾虛也

補脾必不喘後發散仍補脾去脹塌氣丸 傷風兼臟

兼心則驚悸兼肺則悶亂喘急哽氣長出氣欬兼腎則

畏明各隨補毋臆虛見故也 肝外感風呵欠頰門口

中氣熱當發散若能食飲水不止當微下之餘不可下

謹按傷風亦有六經不同詳見傷風門

祭古曰小兒外傷於風秋冬用溫熱藥春夏用涼寒藥

若大熱飲水飢食不大便用大黃丸作散子服之如身

表無大熱而小便不利是為有濕熱熱勝膀胱仍用勝濕

藥白朮茯苓之類利小便則其熱自退如清便自調慎

不可妄下恐外熱逐於內而變結胃危證多矣

又曰傷寒依四時陰陽升降順剛柔而施治氣升則順

發之氣收則下之有汗發熱惡風脈浮緩者風傷衛挂

枝湯無汗發熱惡寒不當風而自憎寒脈浮緊者寒傷

榮麻黃湯有汗發熱惡風脈浮緊無汗惡寒脈浮緩謂

之榮衛俱傷青龍湯挂枝麻黃各半湯無汗發熱不惡

風寒脈沉洪者可下之更詳認其厥與不厥量寒熱淺

深而治之有汗四肢厥脈沉微者名陰厥四逆湯無汗

四肢厥脈沉滑者名陽厥大承氣湯加膩粉如四肢不

傷寒、証脈
榮衛俱傷之証

厥身熱內外皆陽不動涼藥三五服下之

論諸熱證病本不同

全嬰方論曰夫潮熱者發歇有時或血氣盛實臟腑生熱或傷寒時疫觸受邪氣陰陽相勝也驚熱顛叫恍惚夜熱夕發旦止 餘熱者寒邪未盡或傳經之遺熱也食熱者肚背先熱 疢熱者骨蒸盜汗 壯熱一向不止錢氏云不已甚則發驚癇也 煩熱心燥不安喘麗甚則發癇也 積熱頰赤口瘡下盛則腰腿癰腫表裏實則身熱便遊虛則汗下後仍熱也 風熱汗出身熱呵欠面赤 虛熱困倦少力其有久嗽久瀉久痢久

血久瘥以致諸疾之後成者皆虛熱也客熱來去不定為陽邪干於心也心受邪則熱形於額故先起頭面身熱多驚由真氣虛而邪氣勝也 瘧熱涎飲水由

乳食不消伏結於中致成瘧塊也或痰嗽而驚嘔逆不定日中熾煎夜則啼叫午熱乍涼如潮熱也寒熱者如瘧狀陰陽相勝也先寒而後熱陽不足先熱而後寒陰不足寒多而熱少陰勝陽也熱多而寒少陽勝陰也寒熱相半陰陽交攻也血熱者每日巳午間發熱過夜則涼 疹熱耳鼻尖冷

錢氏曰胎熱者生下血氣特叫哭身熱如淡茶色目

赤大便赤黃糞稠急食乳浴法主之

按已上辨諸證可謂詳悉但血熱證東垣謂夜則發熱晝則明了此血熱也蓋晝陽夜陰也食熱者手心熱愛氣吐乳嘔吐者多宜隨證推格兼玩本文

論變蒸身熱

全嬰方論曰夫變蒸者以長氣血也變者上氣蒸者體熱變蒸有輕重輕者體熱虛驚耳冷微汗唇中白泡狀如珠子重者寒熱麻亂腹痛啼叫不能乳食嘔吐晝其輕者三日重者五日古法以黑散子紫丸子主其有不熱不驚或無證候暗變者多矣蓋受胎氣壯實故也

變蒸二字訓
變蒸輕重并

按本論註云嘗考錢氏與寶鑑論變蒸互說差殊錢

氏云一變腎二變膀胱三變心四變小腸五變肝六變膽七變肺八變大腸九變脾十變胃故稱水數一先變也寶鑑云初變肝二變肺三變心四變脾五變腎二者所論皆五行顛倒相生者却逢相尅相尅者又逢相生大抵陰陽造化相生者順相尅者逆變蒸者是長養血氣滋榮五臟相生之法此理昭然相生者有母子之道相尅者有夫婦之義相生所以相繼相尅所以相治源夫胎者得水火既濟陰陽造化五行相治而成形故始於腎氣之初生也小兒變蒸者

相生
相尅所以相治也

惟欲通中之法注
後之

當陰陽升降從五臟相繼而成人故始於肝之初變也雖二說互有所長大抵小兒所稟胎氣壯怯不同况所變之證不一古方用上二藥非本病通變法也故不錄

論傷寒瘡疹同異

錢氏曰傷寒男體重面黃女面赤喘急憎寒口中氣熱呵欠頓悶項急也瘡疹則腮赤躁多嚏悸動昏倦四肢冷傷寒當發散之治疹行溫平有大熱者解毒餘見前說

勅古曰凡傷風則皮溢拘急鼻塞瘵疹則睡中發驚悸

呵欠嚏噴是為易識矣

○論急慢驚風

錢氏曰急驚因聞大聲或大驚而發搐發過則如故此無陰也當下利驚丸主之此證本因熱生於心身熱面赤引飲口中氣熱大小便黃赤劇則搐也蓋熱甚則風生風屬肝此陽盛陰虛也故利驚丸主之以除其痰熱不可與巴豆及溫藥大下之恐搐虛熱不消也小兒熱痰客於心胃因聞聲非常則動而驚搐矣若熱極雖不聞聲及驚亦自發搐 慢驚因病後或吐瀉脾胃虛損遍身冷口鼻氣出亦冷手足時痲痲昏睡露睛此無陽

也瓜萋湯主之。凡急慢驚陰陽異證切宜辨而治之

急驚合涼瀉慢驚合溫補如不分別則悞甚矣

閻孝忠曰急慢驚風古人無之惟曰陰陽癇陽動而速

故陽病曰急驚陰靜而緩故陰病曰慢驚此陰陽虛實

寒熱之別治之不可悞也急驚猶有熱熱即生風又或

因驚而發則目為連劄涎潮搐搦身體口中氣該熱及

其發定或睡起即了了如故此急驚證也當其搐熱漸

減食與鎮心退熱藥候定以藥即下其痰熱心神安寧

即愈慢驚得大病之餘吐瀉之後或誤取轉泄致脾胃

虛損風邪乘之似搐而不甚搐似睡而不似睡四肢與

口中氣皆冷睡露睛或胃痛而啼哭如鴉聲此則危證

脾胃虛損故也

潔古曰急驚陽證也俱腑受病尔小兒客痰熱於心膈

是少陽相火旺經云熱則生風因聞大聲而作蓋謂東

方震卦得火氣而發搐火本不動得風而動當用利驚

丸導赤散瀉青丸地黃丸主之搐止服安神丸慢驚陰

證也俱臟受病尔蓋小兒吐瀉病久脾胃虛損若不早

治則成慢驚名曰瘵瘵似搐而不甚搐也因脾虛損故

大便不聚當去脾間風先以宣風散導之後用史君子

丸益黃散則其利自止既已失治則脾肺俱虛致被肝

求得公氣致福
火未不動得風動

急驚風病疾執于
而熱生以字利治後
插止服安神

慢驚身老病滿多病脾
胃虛弱生能致土虛
胃木相乘則生先宜
風散通之使益黃類

急發曰涼海太過
而甚慢發
慢發曰補劑太過而
變急發也 此是戒
後學之辭

木所乘是為慢驚也當用溫補養活膏

全嬰方云驚證因風則目青面紅發搐因驚其病在心
忽然叫聲發搐因食則其證嘔吐氣即發搐皆陽癇也
肺胃經虛則生粘痰痰者肺胃所出也痰則凝滯在於
咽喉如牽鋸之聲時復瘳瘳或因吐瀉所致脾虛則肺
亦虛涎痰流溢其證亦然皆陰癇也 身熱脉浮精神
恍惚或吐或瀉不思乳食發搐即是半陰半陽合病
身涼脉沉精神倦怠不吐不瀉又能乳食發搐者亦是
半陰半陽合病正如傷寒半是表半是裏也亦有急驚
涼瀉而不愈或與吐下藥太過變為慢驚慢驚為溫補而

不愈變為急慢互相更變者多矣

按已上諸家所論殆盡證治之要矣但錢云慢驚用
括萎湯恐傳寫誤耳大抵驚主風木屬陽腑病故急
易治乙木屬陰臟病故慢難治如大人驚恐即後洩
盖甲木尅戊土也况小兒五臟之氣未實神氣未完
而自病乎證非病後及吐鳴脾胃虛損得中者有夾
火夾熱夾痰夾食病因不同至風邪內陷入腑入臟
亦與外中風相似故治此者當本錢氏虛實補瀉法
則不致犯禁之悞藥有太過不及之失

○論發搐有風有熱有痰有食補瀉不同

驚癩發搐錢氏曰男發搐目左視無聲右視有聲女發
搐目右視無聲左視有聲相勝故也

紫古曰男為木左視木位右視金位相擊則有聲男反
右視女反左視亦皆有聲

早晨發搐錢氏曰因潮熱寅卯辰時身體壯熱上視手
足動搖口内生熱涎項頸急此肝旺當補腎治肝也

紫古曰潮熱於寅卯辰木之位是肝旺也當補水以制
心火瀉肝木以止其搐

日午發搐錢氏曰因潮熱巳午未時發搐心神驚悸目
上視白睛赤色牙關緊口內涎手足動搖此心旺也當

補肝治心

紫古曰巳午未火之位而發潮搐者心熱也導赤散及
涼驚丸

日晚發搐錢氏曰因潮申酉戌時不甚搐而喘目微邪
視身體似熱睡露睛手足冷大便淡黃水是肺旺當補

脾治心肝

紫古曰肺之位而肝強法當補脾恐被木之賊所克害
先瀉心肝以挫其勢瀉心導赤散瀉肝瀉青丸而後補
脾益黃散

夜間發搐錢氏曰亥子丑時不堪搐而臥不穩身體溫

壯目睛緊斜視喉中有痰大便銀褐色乳食不消多睡
不省補脾治心導赤涼驚主之

索古曰皆因大病之後脾胃虛損多有此疾法當補脾
凉心

傷寒後發搐錢氏曰傷風後得之口中氣出熱呵欠顫
悶手足動搖當發散大青膏主之小兒本怯者多此病

也
索古曰因傷風而得已上證者同大人傷風寒之類當

辨有汗無汗陰陽二證用大青膏仲景小續命之類開
發則愈

傷食後發搐錢氏曰因食得之身體溫多睡多睡或吐
不思食而發搐當先定搐搐退白餅子下之後與安神

丸

索古曰傷食發搐謂不因他病忽然而搐此因飲食過
度致損脾胃故見多睡或吐不思飲食脾胃既虛引肝

風則發搐當先定其搐加羌活防風煎下瀉青丸後用
白餅子下其食漸漸用調中丸異功散養其氣

白曰內搐錢氏曰真者才過三兩次必死假者發頻不
為重真者內生驚癇假者外生風冷蓋血氣未實不能
勝任乃發搐也欲知假者口中氣出熱也治之可發散

三錢卷之三十一
小兒月
二十

痲疹之發猶風相爭故

痲疹之見証

陰陽兩拳逆

大青膏及用塗額洛體法

錢氏曰惟痲疹能作搐風火相爭故也治當瀉心肝補

母 雜病目赤兼青者欲發搐 咬牙甚者發搐

金嬰方曰凡身體壯熱耳輪鼻尖及手足稍俱冷忽發

搐者此非驚是豆搐也 夫驚搐有陰陽兩證陰者拇

指在內陽者拇指在外陽拳者順陰拳逆也

凡目鮮目眦目白目青目斜目闔目轉目瞪聲焦聲啞

聲顫聲輕啞口弄舌搐舌露筋噎氣啞津氣撮辰噎

乳噎食忽然定睛吐涎吐沫拗頸仰身搖頭擦面藏頭

畏明手攣手顫脚蹇不伸忽擦忽亂恍惚精神失張失

志眠睡不寧睡中喜笑困戛齒齧心煩躁熱啼哭咬人

面臉弄色或紅或青伸舒用力微微作聲有已上證候

驚搐先證也預防之驅風膏琥珀散更擇對證藥

關孝忠曰似搐而不甚搐此名痲瘕

按此所論諸藏旺實或傷風因食所致發搐旺者當

瀉實補虛傷風者當發散食宜下之此則與因驚發

搐所異也大抵驚病發搐多自外感自內因者如吐

瀉後脾虛所致或熱極生風之類是也 餘證發搐

已上亦備所因不同但世俗罕能分於臨證用藥不

無實實虛虛之失反為害耶

五札切

論咳嗽

錢氏曰嗽者肺感微寒八九月間肺氣大旺病嗽者其病必實非久病也其證面赤痰盛身熱法當以葶藶丸下之若久者不可下也十一月嗽者乃傷風咳也風從背脊第三椎肺俞穴入也以麻黃湯汗之有熱證面赤飲水涎熱咽喉不利者宜兼其桔湯治之若五七日之間其證身熱痰盛吐粘者以礞銀丸下之有肺盛者咳而後喘面腫欲飲水有不飲水者其身即熱以瀉白散瀉之若傷風咳嗽五七日無熱證而但嗽者亦葶藶丸主之後用化痰藥有肺虛者咳而哽氣時時長出

氣喉中有聲此久病也以阿膠散補之痰盛者先實脾後以礞銀丸微下之涎退即補肺如上法有嗽而吐水或青綠水者以百祥丸下之有嗽而吐痰涎乳食者以白餅子下之有嗽而咳膿血者乃肺熱食後服其桔湯久嗽者肺亡津液阿膠散補之咳而痰實不甚喘而面赤時飲水者可礞銀丸下之治嗽大法盛即下之久即補之更量虛實以音增損

按此論小兒欬證既有外感內因之殊虛實之異治法外此宜與效門諸方約之

○論吐瀉有傷乳食有風有熱有寒有虛

錢氏曰吐乳瀉黃傷熱乳也吐乳瀉青傷冷乳也有初
 生三日內或至十日吐瀉壯熱不思食大便乳不消或
 白色是停食當下之後和胃下用白餅子或食乳不消
 身溫涼不思乳大便青白色此上實下虛也更有兼見
 證吐瀉因傷風得之身溫乍涼乍熱睡多氣亂大便
 黃白色嘔吐乳食不消時咳嗽更有五藏兼見證當前
 入藏君臣藥先大青膏後服益黃散如先曾下或無下
 證慎不可下也此乃脾肺受寒不能入食也傷風吐
 瀉身熱多睡能食乳飲水不止吐痰大便黃水此為胃
 虛熱瀉吐瀉也當生胃中津液以止其渴止後用發散

藥止渴多服白朮散發散大青膏傷風吐瀉身涼吐

沫瀉青白色悶亂不渴噁氣長出氣睡露睛此傷風在

再輕怯因成吐瀉當補脾後發散此二證多病於春冬

也吐瀉於五月二十五日已後身壯熱比熱也小兒

臟腑十分中九分熱也或因傷熱乳食吐乳不消瀉深

黃色玉露散主之六月十五日已後吐瀉身溫似熱

臟腑六分熱四分冷也吐嘔乳食不消瀉白黃色似渴

或食乳或不食乳食前少服益黃散食後多服玉露散

七月七日以後吐瀉身溫涼三分熱七分冷也不能食
 乳多似睡悶亂噁氣長出氣睡露睛唇白多噦飲大便

三折卷之五十一
不渴食前多服益黃散食後少服玉露散 八月十五

日以後吐瀉身冷無陽也不能食乳乾噎瀉青褐水當
補脾益黃散主之不可下也虛羸脾胃不和不能食乳
致肌瘦亦因大病或吐瀉後脾胃尚弱不能傳化穀氣
也有冷者時時下利唇口青白有熱者溫壯身熱肌肉
微黃此冷熱虛羸也冷者木香丸主之夏月不可服如
有證則少服之熱者胡黃連丸主之冬月不可服如有
證則少服之

案古曰夏月心火用事治吐瀉不可用溫暖藥秋用溫
藥秋深用暖藥更有五臟兼見證如有風瀉防風羌活

有熱瀉黃芩大黃

有寒瀉附子

有濕瀉白木茯苓

苓

有肺瀉芍藥桂

定喘荆芥人參如甚加檳榔木

香大便不通則加大黃更詳看病新舊新則止之久則

腸風之患宜推陳致新法當宣風散導過以用入臧君

臣藥調之益黃散

凡大瀉引欵者其病不以新久皆宜服白木散痢病亦

同身熱吐瀉咳嗽是風木入于脾母虛其子亦弱法當

煎檳榔豆蔻湯下大青膏後服益黃散 身熱吐瀉大

渴大便必少是熱入膀胱亡失津液此為大逆是陰陽

相乘也五苓散主之 身涼吐瀉不渴則知為寒瀉當

補之煎附子桂枝湯下大青膏 陰陽相乘肝入于胃
 故發熱而嘔當服白朮散後煎檳榔木香湯下太青膏
 閻孝忠曰凡小兒吐瀉當溫補之予每用理中丸以
 溫其中以五苓散導其逆連與數服兼用異功散等溫
 藥調理之性往便愈若已虛損當速生其胃氣宜與其
 四味理中丸并研金液丹末煎生薑米飲調灌之惟多
 服乃效候胃氣已生手足漸煖陰退陽回然猶瘳癘即
 減金液丹一二分增青州白丸子一二分兼用異功散
 姜活膏溫白丸釣藤飲子之類調理至安依此治之仍
 頻與粥雖至危者往往死中得生十救八九金液丹治

小兒吐瀉虛極最妙沈存中良方論金液丹云親見小
 兒吐利劇氣已絕服之復活者數人有不妄也須多服
 方驗

按此證錢論傷乳食所致分冷熱傷風辨兼見證明
 寒熱因而治可謂究其緒矣閻主溫中兼用金液丹
 之類蓋是治寒證濕證及升提下陷之法至潔古更
 分時令備兼見證而用藥治法殆無餘蘊但吐瀉止
 作一證然有吐而不瀉瀉而不吐則當別議若吐而
 不瀉傷冷者宜溫胃瀉而不吐傷冷而脈微者宜灸
 之亦不可不分蓋病本之一也

疳因內發重肌外消肌肉

論疳證盛實

錢氏曰疳者皆脾胃病亡津液之所作也云云疳在內目腫腹脹利色無常或沫青白漸瘦弱此冷證也疳在外鼻不赤爛自擗鼻頭上有瘡不着痂漸遠耳生瘡治鼻瘡爛蘭香散諸瘡白粉散治之五疳疳筋疳骨疳形證詳見本論

紫古曰疳者小兒病癥或久吐瀉醫者妄投轉過之藥小兒易為虛實致之胃虛而亡失津液內發虛熱外消肌肉一疳虛則諸疳皆弱其病目胞腫腹脹利色無常漸加瘦瘁久不痊可是腸胃有風積法當用宣風散導

之後各依本藏補其母

大抵小兒疳病肌羸血氣不足同大人癆瘵之疾

按疳證唯錢氏論中最多宜玩本文

論腹痛所因

錢氏曰積痛口中氣溫面黃白目無精光或白睛多及多睡畏食或大便酸臭者當磨積宜消積丸甚者當白餅子下之後和胃 虫痛面皸白心腹痛口中沫及清水出發痛有時安虫散主之小兒本性者多此病積痛食痛虛痛大同小異惟虫痛當口淡而沫自出

按小兒腹痛亦有傷冷食乳物及濕熱欲作痢而痛

或發痧疹痛者皆宜詳悉

○論小兒癰積

錢氏曰腹中有癰不食但飲乳是也當漸用白餅子下之小兒病癰由乳食不消伏在腹中乍涼乍熱飲水或喘嗽與潮熱相類不早治必成疳以其有癰則令兒不食致脾胃虛而熱發故引飲水過多即蕩滌脾胃亡失津液脾胃不能傳化水穀其脉沉細益不食脾胃虛衰四肢不舉諸邪遂生羸瘦而成疳矣

○論痘疹輕重

錢氏曰凡瘡疹一發便出盡者必重也發夾疹者半重

黑紫乾陷正
正黑勿下

半重也出稀者輕裏外肥紅者輕外黑裏赤者微重也外白裏黑者大重也瘡端裏黑點如針孔者勢劇也青乾紫陷睡昏汗出不止煩躁熱渴腹脹喘喘大小便不通者困也凡瘡疹當乳母慎口味凡飢及風寒歸腎礙黑難治也有大熱當利小便有小熱宜解毒若黑紫乾陷者百祥丸下之不黑者慎勿下看時月輕重大抵瘡疹屬陽出則春夏為順秋冬逆冬月腎旺又盛寒病多歸腎變黑又當辨春膿胞夏黑陷秋班冬疹亦不順也黑者無問何時十難救一其候寒戰噤牙或身黃腫紫宜急以百祥丸下之復惡寒不已身冷出汗耳聾反熱

五錢卷之五
二二二

者死腎氣大旺也下後身熱飲水可治脾旺勝腎寒去而溫熱也 先發膿胞後發疹子者順後發疹子者逆先發水疱後發疹子者逆先發膿胞後發水疱多者順少者逆 先水泡後瘡子多者逆少者順 先疹子後瘡子者順 凡瘡疹只出一般者善

潔古曰一發使密如針頭形勢重者合輕其表而涼其內連翹升麻湯若瘡已發密重微喘飲水者有熱證則去風藥微下之若出不快清使自調知其表不在裏當微發散用升麻葛根湯若青乾黑陷身不大熱大小便澀則是熱在內煎大黃湯下宣風散若身表大熱表

證未罷不可下若瘡疹已出見小熱小便不利當利之已發後有餘毒未散復有身熱瘡腫之類當用茶粉下解毒丸瘡疹已出後有聲音者乃形病氣不病也瘡疹未出先聲音不出者乃形不病而氣病也若瘡疹出而聲音不出者是形氣俱病也當清其肺氣當用八風湯拜涼膈散去硝黃亦可

論痘瘡用熱藥之誤

丹溪曰讀前人之書當知其立言之意苟不知其意求適於用不可得也痘瘡之論錢氏為詳歷舉源流明經給分表裏虛實開其治法證以論辨深得者書垂教之

形氣
病以聲音存

今人不知致病之由
不求立言之意倉
卒一試之後
近世回春之書行
素問之方不明

體使後人如求方圓於規矩較平直於準繩引而伸之
觸類而長之可謂無窮之應用也今人不知致病之因
不求立方之意倉卒一試設有不應拜其書而棄之近
因局方之學行素問之道不明類皆喜溫而惡涼喜補
而惡解利忽得陳氏方論遂以為錢氏不及也雖然陳
氏亦可謂善求病情者太率歸重於太陰一經蓋以手
太陰屬肺主皮毛足太陰屬脾主手足肺金惡寒而易
於外感脾土惡濕而無物不受觀其用丁香官桂所以
治肺之寒用附木半夏所以治脾之濕也使脾與肺果
有寒與濕而兼有虛也中病則已何傷之有今徒見其

出遲者身熱者泄利者驚悸者氣急者渴思飲者例與
木香散異功散者間有偶中之效不思一偏之禍若錢
氏方固未嘗廢細辛丁香白木參芪輩率有監制輔佐
之藥但有寒涼者多而補助一法畧示端緒疾人不可
說愛錢氏之慮深矣亦將俟達者推充而用之夫渴者
用溫藥痒塌者用補藥自陳氏發之迥出前輩然其多
用燥熱或未適中恐其立方之際必有挾寒而痘者余
嘗會諸家之粹而用之聊陳一二從子六七歲時出痘
自熱微渴自利或欲用木香散加丁香十粒煎予觀其
出遲固因其自利而氣弱察其所下皆臭滯因熱蒸而

百餘死兒皆非天
數之可

課徒類切探之同

厭於廣切女之節

豆去瘡本五勞五毒所
發之非屬痛痒瘡

下恐未必寒急止之已投一貼矣與黃連解毒湯加白
朮近十貼以解之利止豈出其後肌常微熱手足生癰
又與涼劑補一月安一人年七十歲發熱而昏倦其脉
大而似數與參芪歸木陳皮大料濃湯飲之二十貼痘
出又二十貼膿胞成身無全膚或欲用陳氏本方與之
予曰但虛無寒也又與前方至六十貼而安至正甲申
春邑間痘瘡不越一家率與陳氏方童幼死者百餘雖
曰天數吾恐人事亦或未之盡也

謹按錢氏論痘瘡形色輕重困劇而用藥已具其端
緒矣至繁古又辨所兼之證及候音聲察形氣為病

而處治治法可謂詳悉但世俗不深求其意及有疑
似丹溪先生所以言之謀謀也大抵世俗喜溫而惡
涼將錢氏之法不去推充至多疑似如云不可妄下
盖妄之一字戒慎之意當有可下之理也若瘡疹初
發有因裏實而出不快渴而脉數便秘煩躁不下可
乎有將憊之際裏實而渴便秘身熱不下可乎或云
首尾俱不可下或指為上吐下瀉不可下皆非也但
自病體虛弱具等時令中治法之異要當適中病情
爾故錢氏云看時月此句關係甚妙如冬月盛寒便
難例用涼劑且小兒痘瘡本五臟之毒所發非止屬

五臟之毒所發非止屬

二十一

批劑者寬難例用
戒

諸痛痒瘡皆出心火之比故陳氏方一出亦多獲效
今人用錢氏方亦有致悞者蓋不善用其法之過非
製法者之過也宜求乎立方本旨矧歲氣時臨災生
目淺深不同小兒體有虛實之異用藥不可輕舉詳
索古以微下法中佐以風劑是兼升發之意亦慎之
也何熱劑與香竅之藥豈可例用乎然有毒入閨竅
肌骨間邪氣下陷用此而獲生者或有之恐千百而
一二也

論癍疹證治

王海藏云夫癍之爲病皆由乎在母腹中時浸漬食母
血穢蘊而成毒皆太陰濕土壅滯君相二火之所作也
因小兒真氣既盛正氣又旺邪無所容或因天寒傷表
或傷裏癍由是而生焉治當外者外治內者內治中外
皆和其癍自出至於惡寒者發之表大熱者奪之渴者
清之秘者通利之驚者安之泄者分之不可執一大抵
傷寒同治隨經用藥最爲高論假如五日已裏諸病與
癍疹不能別辨者不可疑似必須發之但各從其所傷
應見治之皆不妨癍出若強發之其變不可勝數矣前
人言首尾俱不可下者何也曰首不可下者爲癍未顯
於表下則邪氣不得伸越此脈證有表而無裏故禁首

生白
爲
三

首尾不可下
溫燥在合過凡
後人執此二句不知天
今言迎變致誤

未出疑似用某例

不可下也尾不可下者為癰毒已顯於外內無根蒂大
便不實無一切裏證下之則癰氣逆陷故禁尾不可下
也又言溫燥不令通風癰者已出身熱天暄何必蓋覆
不使之通風乎後人執此二句不知天令人事通變致
誤者多大抵以厥為主浮中沉之診平舉按之候察其
虛實定其中外則可以萬全矣

論未顯癰證所用之藥

外傷升麻湯 內傷枳實丸 大便硬者枳木丸 傷
冷者溫之神應丸 惡寒者發之防風蒼朮湯 表火
熱者奪之比表者通言三陽也夫陽盛則氣必上行言

奪者治之不令上行也大便秘結者下之桃仁承氣四
順飲柴胡飲選用察其在氣在血 渴者清之大渴者
白虎湯小渴者涼膈散 小便不通者利之導赤散八
正散之類當求上下三焦何經而用藥驚者分輕重安
之 泄者察寒熱分之二

已顯癰證所用之藥

出不快化毒湯 出太多犀角地黄湯 地骨皮鼠粘
子湯 咽不利桔梗甘草粘子湯 煩者桔梗甘草施
子湯 肺不利紫葢甘草枳殼湯 太陽出不快荆芥
甘草防風湯 陽明出不快升麻加紫葢草湯 少陽出

已出用某例

五機卷之五十一

小兒

不快連翹防風湯

四肢出不快防風芍藥甘草湯

小兒治法

○治風之劑

小續命湯一名寬筋湯治小兒吐瀉之後因虛生風痲

痺神昏涎盛不利

麻黃

祛節半

防風六分半芍藥

附子

人參

川芎

白朮

防已各一兩

黃芩一分

桂枝

甘草各半兩

右為粗末每三歲一錢並附子薑棗有汗者去麻

黃

錢氏大青膏治小兒熱盛生風欲為驚搐血氣未實不能勝邪故發搐也大小便依度口中氣熱當發之

天麻末一錢

白附子半錢

蝎梢半錢

硃砂一字

麝一字

烏蛇肉

酒浸乾半錢

青黛黑一錢

天竺黃一字

右同為末生蜜和成膏每服半皂子大月中兒粳

米大

天麻防風丸

見後

按已上三方風自內因者宜此汗之可見裏之表證與外因不同矧有驚風痰熱食熱等類諸風臨證並

宜選擇

驅風膏

瀉青丸加辰砂蝎尾

按此表裏藥也

浴體法

天麻末二錢蝎尾

硃砂各半錢烏蛇肉酒浸

白凡各三錢麝一字

青黛三錢

右同研勻每三錢水煎入桃枝檉并葉五七枝溫

洗之勿浴背

塗顛法

麝一字

蝎尾半錢

薄荷葉半錢

蜈蚣末

牛黃末

青黛末各一字

右研勻熟棗肉劑為膏新綿上塗勻貼顛上四方

可出一指許火上炙手顛灸百日裏外兒用此法

謹按世俗週歲上下小兒諸風搐證用浴體搯洗法

得汗立効殊勝火灸蓋爰有誤加於風熱陽癇也慎

之

局方敗毒散治小兒傷風身熱鼻塞

方見熱門

按萃防風蒼朮湯治小兒邪熱在表惡風風寒所傷

兒諸風搐征用
浴洗法得汗立効
艾灸有誤加風熱閉
痛慎

防風 半兩

蒼朮

石膏

各一兩

甘草 炙 半兩

川芎

黃芩

各二兩半

右為粗末每二錢入薑薄荷葉煎

升麻黃芩湯治小兒中風身熱頭項強自汗表不和也

升麻

葛根

黃芩

芍藥 各五兩

甘草 二錢半

右以咀每二錢水煎

按此二方陽明經藥也

大羌活湯治風熱

方見寒門

錢氏塌氣丸治脾風腹脹

胡椒 一兩

蝎尾 半兩

右糊丸粟米大每五七丸至一二十九

按此宣風補脾藥也

羌活膏

見後驚劑

全嬰方加減惺惺散治小兒傷風風熱及傷寒鼻塞發

熱驚悸頭痛欬時行風熱

蒼朮

川芎

細辛

羌活

防風

白芷

天花粉

甘草

赤芍

桔梗

麻黃

荆芥

當歸

薄荷

右等分水煎錢入薑

按此太陽例藥也

已上諸方宜隨諸經輕重選用

殭蚕散治小兒中風不語失音闕齒不通精神昏憤

殭蚕半兩

羌活一錢

麝半錢

右為末三歲半錢薑汁少許調和湯浸服又以芎

蒲末於舌根上頓用之

桂萸散治小兒急中風失音不語

桂心一兩

石萸蒲一分

右為末三歲一錢水煎服若大病後不語者用搗

膽汁調下未語再服

按此二方出太陽例可見中風傷風例不同故錄之

○治寒之劑

仲景桂枝湯治感冒風寒身熱惡寒自汗

麻黃湯治身風寒身熱鼻塞寒慄無汗

桂枝麻黃各半湯

小青龍湯治感風寒脈緩發熱腹痛或利

理中湯治感寒腹痛

方並見寒門

謹按世俗治傷寒多不本仲景初法矧小兒乎惟近
代鄭友端集全嬰方於傷寒多採其例言桂枝湯自
西北二方居人四時行之無不驗江淮間惟冬及春
可行之自春未及夏已前桂枝證加黃芩一分謂之
陽旦湯夏至以後有桂枝可加知母石膏各半兩或
加升麻一分若病人素虛寒者正用古方不在加減
也可謂得其旨趣故茲寒例與夫變證法並見本論
今不詳錄但必變法一二附于左

葛根升麻湯

方見升麻湯

右咬咀水煎

按此方陽明藥也世俗用治小兒傷風及發癰瘡疑
似之閒者皆用之故收入然亦須審諦而行之可也
故主海藏云活人言傷寒頭痛如破者連鬚葱白湯
次又不已者葛根升麻湯恐太陽流入陽明用斷其
路故以此湯主之地黃湯內如無犀角以升麻代之
是知陽明藥非太陽藥也人或初病太陽證便與此
湯是遺太陽不惟遺經反引太陽邪氣入陽明不能
解也其變可勝言哉故不可不慎之况小兒乎

初病太陽延用葛根
升麻湯是遺太陽
不惟遺經反引太陽
邪入陽明其甚也

麻黃黃芩湯治小兒傷寒頭痛身壯熱無汗鼻塞目澁
小便清者知不在裏可汗之

麻黃 三錢 赤芍 黃芩 各錢半 甘草 炙

桂枝 各錢半

右咬咀水煎

按此太陽例藥也

惺惺散治傷寒時氣風熱痰壅咳嗽氣不和

桔梗 細辛 人參 甘草 炙

白茯苓 白朮 瓜蒌根 各一两

右為末每二錢水煎入薄荷五葉一方加防風川

為各一分

按此少陰例藥也

東垣麻黃升麻湯治小兒寒鬱而喘喉鳴臍中鳴腹滿

鼻流清涕脉沉急而數

麻黃 草豆蔻 各一錢 益智仁 半 厚朴

吳茱萸 各二錢 甘草 一分 歸尾 升麻

麩末 蘇木 各半分 柴胡 黃芩 各二分

紅花 少許 蝎 二箇

右咬咀作二服水煎稍熱服

按此太陽例藥也然有所兼之證故用是變法隨證

加減之也

○治熱之劑

錢氏瀉青丸治肝熱搐搦脉洪實

當歸

龍膽

川芎

山梔

大黃

羌活

防風

右等分蜜丸鷄頭大每服一九

按此瀉乙木之陰火藥也治風熱表裏之劑

瀉心湯治心經實熱

按此瀉丁火藥也

瀉黃散治脾熱目黃口不能吮乳

按已上治已土濕熱之藥風勝濕其寒瀉火也與已

上並治實熱之劑

瀉白散治肺熱目黃口不能吮乳喘嗽

按此瀉肺邪之有餘補辛金之不足也

導赤散治內熱小便赤黃心躁睡語

按此治丙火藥也

安神丸治邪熱驚悸面黃頰赤

按此治心肺胃熱氣分藥也清鎮之劑

已上方並見熱門

地黃丸治痺熱腎虛瀉血失音身瘦目翳生疥解願不

合長大不行可服取効

方見補虛門

按此治癸水不足藥也

地骨皮散治小兒肌熱

白虎湯治小兒發熱而渴

方並見熱門

生犀散治小兒肌熱

生犀

地骨皮

赤芍

柴胡

葛根

甘草

右咬咀水煎

按此少陽陽明藥也

驚甲飲治小兒骨熱潮熱盜汗

驚甲炙

地骨皮

秦艽

柴胡

枳殼炒

知母

當歸等分

右咬咀三歲一錢水煎加桃柳枝各三寸烏梅一

箇

按此少陽厥陰藥也氣血之劑

鎮心丸治內熱生驚驚盛

甜硝一兩

人參各一兩

甘草炙

寒水石燒一兩半

山藥

茯苓各二兩硃砂一兩

右為末蜜丸鷄頭大要紅入胭脂量兒大小與服

按此手太陰少陰足陽明太陽藥也

化毒丹治心胃內熱驚悸

生熟地黄各五兩 天門冬 麥門冬去心焙各三兩 玄參一兩

甘草炙 甜硝各二兩 青黛兩半

右為末入硝煉蜜丸如鷄頭大每半丸或一九水

下

按此手足大陰少陰藥也

甘露飲子治心胃熱咽痛口苦生瘡上攻牙齦腫

方見熱門

大黃丸

方見傷風門

絳雪丹治小兒諸熱陽盛發狂躁不安目赤煩渴

芒硝一兩 硃砂一兩

右為末浸蒸餅為丸鷄頭大三歲兒一九沙糖水

化下無時

按已上二方陽明例藥也

易老羌活黃芩蒼朮甘草湯治吐熱體重而瀉

羌活 黃芩 蒼朮 甘草

右等分咬咀水煎服

按此太陽陽明藥也

陳氏人參清膈散治小兒潮熱煩熱自汗骨蒸

人參 柴胡 當歸 芍藥

知母 桑白皮 白朮 黃芪

紫苑 地骨皮 茯苓 甘草

桔梗 各一兩 黃芩 半兩 石膏 滑石 各一兩半

右為粗末每三錢水煎入薑

按此手足太陰足少陽厥陰陽明藥也虛熱煩熱氣血皆可用

謹按以上諸方姑隨輕重例因舉其要至於食熱痰

熱驚熱等候宜于後方內選用

○治濕熱攻下之劑

錢氏牛黃奪命散治小兒肺脹喘滿胃高氣急兩脇扇

動陷下鼻張悶亂嗽渴聲啞痰涎潮塞俗謂之馬脾風

者

黑白牽牛 各兩半 炒 大黃 搯柳 各一兩

右為末三歲兒每服二錢冷溫水調下涎多加膩

粉少許無時

通膈丸

大黃 牽牛 木通 等分

四濕熱

右為細末水丸粟米大每三五十九量大小虛實與服

按已上二方陽明例藥也

○治驚之劑宜與風癇門兼著

錢氏涼驚丸

草龍膽

防風

青黛各三錢

釣藤二錢

牛黃

麝各一字

黃連五分

龍腦一字

右糊丸粟米大每三五九金銀湯下

按此治風熱之劑也

局方天麻防風丸治小兒驚風身熱喘急多睡驚悸

尺指搗精神昏憤

天麻

防風

人參各一兩

蝎尾半兩炒

甘草

朱砂

雄黃各二錢
牛黃

麝各一錢

姜蚕炒半兩

右為末煉蜜丸櫻桃大朱砂為衣每一丸薄荷湯

化下

按此治風癇通關竅藥也

三因方治陽癇發風熱證面赤身熱發搐直視牙緊

朱砂一錢

膩粉

麝半錢

芎藭

白附子

甘草各二錢

胡黃連一錢

蝎梢十箇

殭蚕七箇炒 金箔七片 赤脚蜈蚣一條炙

右為末二歲已上服半錢金箔薄荷湯下

按此治風熱痰之劑透關通經絡藥也

全嬰方睡紅散治小兒急慢驚風手足搐搦目睛神昏

牛黃 鵬砂 腦子 真珠

水銀炒好各 青黛 蝎尾炒 京墨燒

南星 半夏剗上薑 蛇含石碎各 金銀箔各十片

麝香一字 烏蛇尾并項下七寸並酒浸宿取出去皮

右為末三歲一字薄荷湯下

按此治風熱痰通關透肌膚之劑也非風邪下陷

者不可輕用

東垣朱砂安神丸

方見熱門

按此寧心清神涼血之劑也

謝氏奪命丹治急驚不省人事眼定不動牙關不開唇

白并黑者

南星 半夏各四錢 為末並以生姜汁和作餅子

真珠新白者 巴豆去油 朱砂四錢 金箔泡

銀箔各十片 輕粉 麝香各半錢

右丸味各為末和勻飛羅麪打糊為丸如黍米大

每一歲兒一丸燈心湯下

比金丸治小兒風熱丹毒急慢驚馬

前奪命丹中減去金銀箔加真鬱金末三錢丸如

上法

利敬驚丸

前比金丸中去鬱金加腦子半錢白頭蚯蚓一條

用力截斷首尾兩頭齊跳者用之去土秤二錢丸

服如上法

按此三方道痰藥也白餅子加減法

按已上諸方治陽癇之藥不問急慢但係陽證諸熱

者宜隨表裏輕重擇用之

錢氏溫驚丸

天南星

為末入臘月牛膽中百日陰乾為末四兩

朱砂一錢

天竺黃一兩 坯子胭脂

片腦各一錢

右用牛膽汁和丸雞頭大每一丸小者半丸沙糖

水化下

羌活膏治脾胃虛肝氣熱盛生風或吐瀉後成慢驚者

羌活

川芎

人參

白附子

赤茯苓

各半兩

天麻一兩

僵蚕

乾蝎

白花蛇

酒浸

川附子

防風

麻黃各三錢

五錢卷之五十一

四十五

肉豆蔻

母丁香

藿香葉

沉香

木香

各二錢 輕粉一字

真珠末

牛黃 各一錢半

龍腦

半字 麝香一錢

雄黃

辰砂 各一分 石味各另研

右為細末熟蜜劑旋丸大豆大每服一二丸食前薄

荷湯或麥門冬湯下

三因方治陰癇慢驚

黑附子

剉去皮 南星

半夏 各二錢

白附子 半錢

右研細井花水浸七日每日換水浸控乾入朱砂

二錢麝一錢拌勻每服一字薄荷湯下量大小與

服或丸如粟米大每二十九薄荷湯下此白丸子

方也因分兩不同故兩存之

經驗方保生錠子治急慢驚風

蛇含石

四兩火煨醋碎十南星 一兩先泡

白附子

去破朱砂 研極細 麝一錢

右為細末用糯米粉煮餅搗和前藥令勻作錠

子臨用薄荷湯濃磨汁服一二口

金嬰方麝香餅治小兒急慢驚風進退不定霍亂經日

乍靜乍動嘔吐痰涎潮搐甚者宜此

麝香

蝎尾 去毒

蜈蚣 二條 酒 南星 炮

川烏 炮

白花蛇 酒浸一夕去骨皮 乳香

鉄粉

朱砂

牛黃各一錢

右為末酒煮糊丸如鷄頭大拈作餅子三歲兒一餅用薄荷湯下

按此竅陰例藥也非風在關竅肯發者不可用義見中風門通關透骨例

全蝎散治小兒急慢驚風潮作不定心肺中風

蛇頭

一箇酒吳公一條酥骨一錢

草烏一箇去皮尖

麻黃

法節一錢

腦麝各一字

右為末一歲一字薄荷湯下

奪命散治小兒急慢驚風諸藥無効者一服見効

白附子

黑附子炮

南星炮

天麻

防風

半夏炮

麻黃去節

朱砂各一錢

蜀椒薄苧葉裹姜汁煎

右入鹿茸半錢為末三歲半錢薄荷薑汁更入酒漿

小熱湯共調下

按此二方太陽例藥也

釣藤飲子治吐利脾胃氣弱虛風慢驚

釣藤三分

蟬殼

防風

人參

麻黃去節

僵蚕炒

天麻

蝎尾炒各半兩

甘草炙

川芎各一分

麝一錢另研

右同為細末每服二錢水煎量多少與之寒多者

加附子半錢

按此升陽越脾氣藥也

寧心膏治小兒精神不定恍惚不寧恐畏多哭驚魘

人參

白朮

白茯苓

茯神

山藥

羌活

甘草

錢各一朱砂二錢

腦麝各一字

右為末煉蜜丸如鷄頭大二歲一丸薄荷湯化下

按此養氣疎風清神之藥也

寶鑑天麻散治小兒急慢驚風其效如神

半夏七錢

天麻二錢

甘草

白茯苓

白朮各三錢

右水一盞入磁器內煮水乾將生薑三錢同煮候

乾為末每服一錢半薑棗湯調下

按此溫脾養胃之劑非止於疎風勝痰藥也大抵小

兒血氣未充體虛者多或因病後致者宜與此調理

而不為峻劑下陷轉成壞證者此三方則庶幾矣

謹按已上諸方治陰瀰不問急慢驚但係陰證宜隨

表裏輕重選用則半陰半陽慢脾之法例在其中矣

經驗方嚏驚開閉散牙關緊急者用之嚏鼻并擦牙

蜈蚣一條

直僵蚕

南星

豬牙皂角

一錢時
燒存性

右各為末研極細少許搐鼻如欲擦牙者用生薑

汁蘸藥擦牙上

全嬰方探生散治小兒急慢驚風諸藥無效者吹鼻定
死生

沒藥

雄黃各一錢乳香半錢

麝一字

右為末少許吹鼻如眼淚鼻涕俱出者可治

按此二方捷嚏藥也

吐風散治小兒急中風口噤不開不省人事

全蝎一箇炒瓜蒂十箇炒赤小豆三十粒

右為末一歲一字溫米飲調下未吐再服

碧雲散治小兒急風卒中涎潮氣粗不省人事

石碌四錢

輕粉一錢

右為末每一字薄荷湯下酒少許同調下良久先

吐後利

一方以銅青為末醋糊丸如鷄頭大每一丸薄荷

湯磨下須臾吐涎似膠以手拽出神效

天霜散治小兒急中卒風拜急驚口噤搦搐涎盛昏塞
不語

辰砂

粉霜

輕粉

南星炮各半兩

蝎尾

白附子

藿香葉各錢

右為末一歲半字薄荷湯調下茶亦得未吐再服

按已上三方宜劑也宜選用然此方吐中蕪汗下也

錢氏利驚丸治小兒急驚風涎盛發熱潮搐

青黛

輕粉各一錢 牽牛半兩

天竺黃二錢

右為末白糊丸如小豆大二十九薄荷湯下

按此下濕熱痰之劑也

全嬰驅風膏治小兒肝風筋脉拘急面紅目青眼上驚

辰砂

蝎尾

當歸

龍膽草

川芎

山梔

大黃

羌活

防風

甘草各一錢

右為末入麝香一字煉沙糖丸如鷄頭大三歲一

丸薄荷竹葉蜜湯化下

按此下風熱之劑也

珍珠丸治小兒急慢驚風發搐涎潮壯熱及痰嗽壅塞

白附子

滑石

巴豆十五箇輕粉

右為末糊丸如小豆大三歲一二丸葱白湯下

按此下食痰導滯之劑也白餅子加減法

通關散治小兒驚風已退聲啞不能言

右以南星大者炮為末三歲一錢猪膽汁調下嚙

入喉中便能言

灸驚風法附膈風撮口法

寶鑑云小兒急驚風灸前頂一穴在百會前一寸若不

愈須灸兩眉頭及人中一穴各三壯如小瘰大

小兒慢驚風灸尺澤穴各七壯在肘中橫紋上動脈中

炷如小瘰大

初生小兒膈風撮口諸藥不効者取然谷穴在內踝前

踝骨下陷中可灸三壯針入三分不宜見血立効

小兒癩癩癩瘰脊強互相引灸長強穴三十壯在脊髓

端跌地取之乃得

小兒癩癩驚風目眩灸神庭一穴七壯在鼻直上入髮際

際三分

小兒風癩者先屈手指如數物乃發也灸鼻柱入髮際

宛宛中灸三壯如小瘰大

小兒驚癩先啼怖啼叫乃發也灸頂上旋毛中三壯及

耳後青脉炷如小瘰大

○治痰涎之劑

六度涎

青州白丸子

南星 三兩

半夏 七兩

白附子 二兩

川烏

生兩各

右為末絹袋盛井水攪盡為度別換水浸三五日
晒乾糯米粉丸

按此治寒痰風痰藥也

抱龍丸治風痰壅盛驚搐昏睡

雄黃

辰砂

天竺黃各四錢 麝香一錢

牛膽南星

八錢入臘月牛膽中陰乾百日內用如無生者水浸二日焙用

右為末荻茸草胡九如皂子大三歲一丸量大小

與服薄荷湯下

按此治風痰熱痰藥也

宣風散

檳榔 二箇

陳皮

甘草

各半兩

牽牛 四兩半熟

右為末每一錢量大小與服湯調下

按此下濕痰之劑也

福銀丸治風涎膈實上熱及乳食不消腹脹氣喘

巴豆

油兩去研

好墨

八錢燒研淨

水銀 半兩

黑鉛

麝香

半錢別研

右將巴豆末并墨再研和勻入砂子等陳米粥和

丸如豇豆大捻作餅子一歲一丸薄荷湯下

七、內傷疳積

按此下食痰癖積藥也

謹按小兒多痰熱宜用抱龍丸與化毒丹等兼服故

效例不多錄

○治內傷及癖積之劑

錢氏白餅子治腹中有癖但飲乳嗽而吐痰涎

方見痰飲門

按此下痰積食積藥也義見痰飲門

消積丸

丁香九箇 砂仁十二箇 巴豆二箇去油 烏梅肉三箇

右為末麩糊丸黍米大三歲已上三五丸已下三

二丸溫水下

消堅丸消乳癖及下交妳又治痰熱膈實取積

硃砂末 巴豆去油淨輕粉各一錢 水銀砂子兩

大皂 黃明膠末五錢

右同研勻入麩糊丸如麻子大倒流水下一歲兒

一丸食後服

按此二方有寒熱輕重之分宜選用後法同

寶鑑三稜煎丸治小兒飲食過多痞悶痰痛宿食不化

久而成癖

廣木黑角者 荆三稜二味濕盛裏煨為末各一兩

三折卷之五十一
大黃 去皮八兩

右將大黃為末銀石器內以好醋浸令透慢火熬成膏和二藥為丸麻子大或菜豆大每一二十九食後溫水下

驚甲猪肚丸治癖發熱

驚甲

九助者七錢醋
麥黃色

青蒿

黃蓮各七錢

青皮

枳實

木香各半兩 柴胡一兩

右細末猪肚一箇去脂貯藥蒸熟同和梧子大每二三十丸食後人參湯下

廣木化癖丸治乳食不消心腹飽脹壯熱喘急吐痰

逆食癥乳癖

代赭石

醋淬當歸炒

朱砂研

枳殼炒

廣木炮

荆三稜

炮各半兩

木香一兩

麝香

巴豆

去油各一分

右末研勻糊丸如麻子大每一歲兒二丸米飲下

灸癖積法

寶鑑云治小兒癖氣久不瘥中脘一穴章門二穴在大橫外直臍季脇端側臥屈上足舉臂取之各灸七壯臍後脊中灸二七壯

治小兒脇下滿瀉利體重四肢不收瘕癖積聚腹痛不

三神素之五十一
嗜食寒熱取脾俞二穴在第一顧下兩旁相去各一寸五分可灸七壯又治腹脹黃疸可灸三壯

○治瀉痢之劑

錢氏白朮散

藿香葉

白朮

木香

白茯苓

甘草

人參 各一錢 乾葛 二錢

右為末每一錢至二錢水煎服

異功散

四君子湯加陳皮一方只用柴朮甘草三味名溫中丸

按此二方補脾湯加減法也

益黃散

陳皮 一兩

青皮

訶子肉

甘草 各半

丁香 二錢

右為細末每二錢水煎服

沒石子丸

木香

黃連 各一分 沒石子 一箇 豆蔻仁 二箇

訶子肉 三箇

右為末飯丸麻子大米飲下十五丸量大小與之按此二方兼止瀉藥也

五苓散治瀉而渴

方見濕門

羌活膏治小兒淺瀉發搐

方見前

溫白丸治小兒脾胃氣虛困瀉瀉瘦弱冷疝洞利或驚

天麻 半兩

姜蚕炒

白附子

乾蝎

南星

浸各一錢

右為末浸寒食麪為丸如菉豆大每五七丸至二

三十九姜湯下仍於寒食麪內養七日取出

廻生散治小兒吐瀉

大南星 八九錢已上者

右用地坑子一箇深三寸燒赤入好酒半盞下南

星却用炭火三兩條蓋候南星微裂取出剉再炒

放冷為細末每半錢或一字濃煎生姜防風湯調

下

按此二方升肺脾之氣藥也

金液丹治吐利日久脾胃虛損手足厥逆精神昏睡多

露睛口鼻氣冷欲成慢驚或身冷脉微自汗小便不禁

舶上疏黃十兩去砂石為末砂合子盛八分滿水和

赤石脂封縫鹽泥固濟晒乾再入水確內泥固濟火

玉梅卷之五十一
八兒月
五十一
煨過候冷

右於乳鉢內研為細末水浸蒸餅丸桐子大或如
菘豆大每五十九至百丸米飲下

按此厥陰例藥也

玉露散治傷熱吐瀉黃色

寒水石

石膏 堅白者各半兩

生甘草一分

右同為細末每服半錢或一錢溫湯調下

按此陽明例藥也

豆蔻香連丸治洩瀉腹痛腸鳴

黃連 三分炒 肉豆蔻

木香 各一分

右為細末粟米飯丸米粒大每服十九至三十三
丸日夜各四五服米飲下

二聖丸治小兒臟腑或好又不愈

黃連

黃栢 去皮各一兩

右為末入猪膽內煮熟丸如菘豆大每二三十丸
米飲下

按此解毒湯變法也與前方不同宜選用

菘活黃芩蒼朮甘草湯治壯熱體重而瀉

方見前

茯苓半夏湯治風瀉而嘔

方見痰飲門

東垣升陽益胃湯

方見補虛門

湯氏助胃膏治小兒氣虛乳食不進腹痛洩瀉腸鳴

陳皮

山藥

各四兩 甘草炙

砂仁

白茯苓

藿香

桂各二兩

肉果

人參

木香

丁香

白豆蔻各二兩

右為末煉蜜丸和成膏每服鷄頭大量大小與之

按此出太陽例冬月時令中藥

局方水浸丹治伏暑傷冷熱不調霍亂吐利煩渴

巴豆

大者二十五箇去皮研細去油盡去

黃丹一兩炒

右研勻用黃蠟鑿汁為丸如梧子大每一丸以水浸少頃別以新水吞之量大小與服

按此足陽明藥也

小香連丸治熱痢腹痛

木香

訶子各一分黃連半兩

右為末飯和丸菜豆大米飲下十九至二十九
頻服之

胃風湯

方見洩瀉門

全嬰方訶梔散治小兒純下血痢腹痛

訶子半兩 梔子仁一分

右為末三歲半錢米湯調下食前

按此治熱之劑也

桃花丸治小兒赤白痢腹痛

赤石脂 川乾姜

右為末糊丸如小豆大三歲三十九米湯下

按此治寒之劑

泄腸丸治小兒下痢赤白後重類併

龍骨 海螵蛸 訶子

右為末糊丸如小豆大三十九米湯下

按此止泄之劑也

東垣厚腸丸治小兒乳食不能消化或生腹脹瘦弱痢

瀉無常色

橘皮三分 大麥麩半錢 半夏三分 枳實半錢

蒼朮三分 青皮二分 人參二分 厚朴二分

麩末半錢

右為細末煮糊為丸如麻子大每二十九溫水下

食前

按此足陽明太陰藥也

九咳嗽

按已上諸方姑備其例宜兼看瀉利二門而分治之

○治咳嗽之劑

麻黃湯治傷風咳嗽喘急無汗

方見寒門

按此治風寒之劑也

敗毒散治時氣咳嗽

方見咳嗽門

按此治風濕之劑也

紫苑散治小兒咳嗽上氣喉中水雞之聲

射干

紫苑

款冬花 鑿三麻黃 四錢

細辛 二錢

半夏 一錢

五味子 四錢

右吹咀三歲兒一錢水煎入薑棗少許

百部飲治小兒喘嗽日夜不得睡目鮮如突出之狀

百部

生薑各八錢

細辛

甘草各三錢

貝母

白木

五味子各三錢 桂心 四錢

麻黃 二錢

右吹咀三歲兒一錢水煎

按此二方太陽例藥宜分輕重選用

紫蘇子散治小兒欬逆上氣因乳哺無度內挾風冷傷

肺氣 啼未定與乳乳與氣相逆不得下

啼定後可手乳

五錢卷之二

三和卷之五十一 小兒門 一六十

蘇子 訶子 蘿蔔子 杏仁炒

木香 人參 各三錢 青皮 甘草路一錢

右為末每一錢水煎入薑量大小與服

按此下氣導痰藥也

葶藶丸治乳食衝肺咳嗽面赤痰喘

甜葶藶隔紙炒黑牽牛炒 漢防已 杏仁炒各一

右為末入杏仁泥取蒸陳棗肉和再搗為丸如麻

子大每五丸至七丸生薑湯下

按此下濕之劑也

全嬰方雄朱丸治小兒咳嗽有痰潮熱

雄黃一錢半 巴豆七粒 半夏半兩

右為末糊丸小豆大一歲二丸薑湯下

按此導牙風痰濕痰乳痰藥也

潤肺散治小兒涎嗽不已氣急煩渴

麻黃二錢 甘草一錢 人參 知母路二錢

陳皮一分 桔梗 阿膠炒 百部各半錢

右為末三歲一錢水煎

按此手大陰足大陽藥也

人參丸治小兒欬嗽有痰氣急惡心

人參 半夏 白朮 川薑

南星 炮

右等分為末姜糊丸小豆大三十九姜湯下

按此手足大陰藥也

參香膏治小兒久新咳嗽氣急惡心有痰咯血

人參

阿膠 炒

杏仁 炒

欵冬花

五味子

甘草

訶子

貝母

右等分為末煉蜜丸雞頭大三歲兒一丸白湯下

補肺散治小兒久患咳嗽氣急有痰

阿膠

糯米各一兩 馬兜零

甘草 各半兩

杏仁七十粒 大力子一分

右咬咀三歲兒一錢水煎服

按此二方手太陰之藥也

瀉肺散治小兒肺氣熱盛而效

方見熱門瀉白散

○治嘔吐之劑

茯苓半夏湯

方見前瀉劑

迴生散治小兒吐瀉

方見前

異功散

十嘔吐

玉梅卷之五十一
方見前瀉劑

藿香散治脾胃虛有熱面赤嘔噦

麥門冬

半夏

甘草炙

石膏各半兩

藿香一分

右爲末每半錢至一錢水煎入姜

全嬰方消食丸治小兒生冷傷脾腹痛惡心

即局方小七香丸

按按定吐紫金核

半夏末

人參

白朮

木香

丁香

藿香古三半

右爲末稀糊爲丸如李核大後用沉香朱砂各一錢研勻爲衣陰乾每一丸棗湯磨下

謝氏燒針丸專主吐逆

府丹不拘多少

右件研極細用去皮小棗肉和劑爲鷄頭大每用針簽於燈上燒灰爲末乳汁下一丸

按此亦劫劑也已上方唯藿香散出陽明例藥餘溫劑宜隨輕重選擇出理中例

○治疳之劑

錢氏木香丸治小兒疳瘦腹大

疳

木香

青黛

檳榔

豆蔻 各一分

麝香 六錢 半續隨子 二兩

煅礞石 三箇 燒存性

右為末 蜜丸 芩豆大 每三五丸至一二十九薄荷湯下

按此手足太陰藥也

六味地黄丸治小兒疳瘦不行解顛骨熱

方見補虛門

全嬰方 蘆薈丸治小兒疳氣腹急骨熱

蘆薈

木香

檳榔 各一分 黃連 一兩

去皮

青皮

陳皮 各半兩 巴豆 兩 此

珠珀 黃

煅礞石 酒浸 炙黃 去骨 一兩

右為末 猪膽丸 小豆大三歲三十九米湯下

按此手少陰手足太陰藥也

蒸鷄丸治小兒疳癆骨蒸潮熱盜汗瘦弱腹急面黃食不生肌肉

不生肌肉

黃連 二兩

柴胡 一兩

蕪荑

鶴蝮 各半兩

秦朮 一兩

知母

紫葇

史君子 去殼 各

右為末 黃雄鷄一隻重一斤 籠之專以大麻子飼

七日後去毛及腸肚淨入前末子以線縫之取

小甌子先以黑豆鋪甌底三寸安鷄四旁及上黑豆蓋之早蒸至晚取肉研和硬入酒糊丸如小豆大二歲二十九加減與之米飲下忌猪肉按此手少陰太陰足少陽藥也

肥兒九截疳殺虫治腹脹消食

史君子

肉

蘿白子各二兩小紅棗兒肉一兩

糖末子末

飛羅麩各一兩

右取好黃土和作一爐墩子內底下蘿白片鋪一層次將史君子肉鋪在當中次又鋪蘿白一層上安棗肉蓋於上以泥封固其外以炭火煨至內三

物熟爛了取出以飛麩末和勻丸如麻子大量兒大小與服米飲下

按此足陽明大陰藥也

五疳消食丸消疳殺虫退熱磨積進食

史君子肉炒麥蘖炒

陳皮

麥麩炒

蕪美

草龍膽

黃連炒

唐求子等分

右為細末陳米飯為丸如黍米大每十九丸飲下按此手少陰太陰藥也然疳證自有虛實積熱等致

不同已上諸方未能以盡其變學者自宜推格治之

○治瘡疹之劑

升麻湯治小兒瘡疹未出發熱

升麻

高根

白芍藥

甘草

右咬咀水煎

按此足太陽陽明藥也

錢氏四聖散治瘡疹出不快

紫草

木通

甘草炙

枳殼炒

右等分為齏末每一錢水煎服陳氏加黃芪

按此足陽明手太陰藥也

調肝散治瘡疹大盛宜服此令瘡不入眼

生犀二錢半

龍膽草一錢黃芪半兩

大黃

桑白皮兩麻黃

釣藤子銖一石膏半兩

瓜蒌

甘草銖各二

右為齏末每一錢水煎服食後

按此手太陰足陽明太陽藥也內外實者非此不可

化毒湯治豆瘡已出出不快

紫葢茸

升麻

甘草各等分

右咬咀入粳米五十粒水煎

按此足陽明藥也

鼠粘子湯治豆瘡欲出未能得透皮膚熱眼赤心煩咽

溢不利

鼠粘子炒四錢

荆芥穗二錢

甘草一錢

防風半錢

右為細末沸湯點服去防風名消毒散

按此太陽少陽藥首論溫平者此也

活血散治豆瘡出不快

白芍藥炒一錢

右為末酒調服腹痛溫熱水調下

按此正的太陰藥也海藏云張和之治四肢出不快

加防風大効

犀角地黃湯治瘡疹出太盛使血或鼻衄

犀角一兩 生地黃二兩 赤芍三分 牡丹皮一兩

右咬咀三歲兒一二錢水煎服

按此足太陰少陰手太陰藥也

葛根麥門冬散治小兒熱毒斑瘡出多心神煩悶

葛根 麥門冬各二錢 石膏半兩

升麻 甘草 茯苓各二錢 赤芍一錢

右咬咀每三錢水煎服

按此足陽明手太陰少陰藥也

連翹散治瘡豆發熱

連翹 防風 梔子 甘草

右為末水煎

服出不快加防風
三說

按此治熱在外而不厥少陽藥也

如聖飲子治瘡疹毒攻咽噤腫痛

桔梗

甘草

鼠粘子

炒各二兩麥門冬半兩

右為末竹葉同煎二三錢

按此手太陰少陰藥也

解毒防風湯

防風一兩

地骨皮

黃芪

芍藥

荆芥

枳殼

鼠粘子

各半兩

右為麤末每服四五錢水煎

按此手足太陰藥也

真牙湯治癰瘡黑陷者

人牙二枚燒存性入麝香少許

右為末用紫草升麻湯調下

御藥院方無價散治癰瘡不出黑陷欲死者

入猫猪大糞臘月內燒為灰

右為末每二字蜜湯調服量大小與之

按此二方劫劑也

當歸丸治癰疹能食而大便秘

當歸半兩

甘草一錢黃連

大黃絡二錢

右將歸熬膏子入下三味末為丸漸加服至利為

度

按此足陽明厥陰藥也

棗藥百祥丸

紅牙大戟去礮

青州棗去核三

右用水一碗同煎至水盡為度去大戟不用將棗焙乾可和作劑從少至多服至利為度

按此足少陰藥也

陳氏異功散治小兒痘瘡欲厥面之際頭溫足指冷或腹脹瀉瀉氣促或身不壯熱悶亂不寧臥則哽氣煩渴咬牙

木香

三錢半

官桂

二錢

當歸

三錢半

人參

茯苓

二錢

陳皮

厚朴

二錢半

白朮

二錢

半夏一錢半丁香

肉豆蔻

二錢半

附子

一錢半

右為粗末每二三錢水煎入姜棗

按此足太陽少陰厥陰手足太陰藥也

謹按已上瘡疹諸方有升散補脾涼血瀉火清神攻

下溫中補劫之法不同學者自宜取擇

方涼膈散治瘡豆已出發熱作渴脉實悶亂便實者

方見火門

謹按瘡瘍已發有寒熱溫涼不同形氣盛虛之異已

室証互解

上二方宜對脉證選用有起死迴生之効也足陽明

藥

地骨皮鼠粘子湯

本方加地骨皮

桔梗甘草粘子湯

防風芍藥甘草湯

並三味治證見前

升麻加紫草湯

升麻湯加紫草

荆芥甘草防風湯

二味治證見前

紫草甘草枳殼湯

四聖散減木通

連翹防風湯

前連翹散減梔子

並治證見前論

玉機微義卷之五十一終

玉機微義卷之五十一

已可

右全部五十卷以他板印本具遂卷伍於并異別
治聖教賢規之處加愚筆流守前下後學者
天正弟二成甲年自七月二日至八月三日

洛下鍾和堂戶蓋靜翁道三

書玉機微義後

首陸宣公罷相嘗集方書以仁字人想見其施
于當國秉政之日而被其澤者又何可勝既也
耶此醫道所以取重於今昔大人君子者詎非
以其理与造化者參而有轉旋橐籥之功也玉
機微義一書輯於會稽徐彥純成於吳陵劉宗
厚考據議論精密詳備竇醫道之救粟布帛不
可無者二君子用心亦勞矣其書藁雖存未行
于世故知之者鮮姑蘇都憲陳公奉
命來鎮陝右於宗厚家得之始命壽梓晦而復顯

少師大學士西昌楊先生喜而作文序其事真
為此書之榮幸名今傳後無疑也暇日予與二
三僚友得以盡閱其書間有魯魚亥豕之訛固
責在承命者之不慎且有辜負都憲之雅意亦
不足以副少師先生恭體仁民愛物之心矣仍
取原稿校讎凡字意差謬者釐而正之庶俾後
之學者無惑焉敬書贊其後云時

正統庚申春二月望日陝西等處承宣布政使
司右布政使會稽王暹書

右布政使郭堅等同校正





右全部五十卷以他板印本具遂參伍於并異則
治聖教賢規之妙加思筆道守前下後學者

天正弟二成甲年自七月二日至八月三日

洛下鍾知吾戶蓋靜氣道三五

書玉機微義後

昔陸宣公罷相嘗集方書以仁乎人想見正
于當國秉政之日而被其澤者又何可勝既
耶此醫道所以取重於今昔大人君子者詎
以其理与造化者參而有斡旋橐籥之功也
機微義一書輯於會稽徐彥純成於吳陵劉
厚考據議論精密詳備實醫道之藪粟布帛



本具遂矣伍於弁異別
筆下道守補下後學者心

一日至八月三日

人盡靜氣道三四



書以仁乎人想見其施

其畢者又不可卷玩也



